

四庫全書

集部

欽定四庫全書

集部

庾開府集箋註卷十

詳校官監察御史<sub>臣</sub>曹錫寶

檢討<sub>臣</sub>何思鈞覆勘

總校官編修<sub>臣</sub>王燕緒

校對官主事<sub>臣</sub>陳墉

謄錄監生<sub>臣</sub>史光揚

欽定四庫全書

庚開府集箋註卷十

周 庾信 撰

吳江吳兆宜註

周大將軍聞喜公柳霞墓誌銘

北史本傳作柳遐

君諱霞字子昇河東解縣人也

晉書河東郡領解縣本傳曾祖阜晉汝南太守

始自承平秦始征晉之地

左傳秦始征晉河東置官司馬

漢開平越之

鄉漢武帝紀將軍緱氏左邑

律中夷則

見宮調曲

星居鶉

首

見東江  
南賦

况復莊謀於衛既為社稷之臣

見辛  
威碑

喜對於

齊無廢諸侯之職

左傳齊孝公伐我北鄙公使展喜攜  
師使受命於展禽曰棄命廢職其若

先王

祖叔珍

元景弟也為  
前廢帝所殺

宋員外散騎常侍義陽內史

晉地理志武帝平吳分南陽立義陽郡南史宋晉熙王  
昶文帝第九子初封義陽王通考漢制郡為諸侯王國  
者置內史以掌太守之任成帝省內史以相治  
民晉宋守相內史並銀章青綬進賢兩梁冠

有徐邈

之應對居於散騎之省

晉徐邈傳邈遷散騎常侍猶處  
西省前後十年每被顧問多所

臣有汲黯之正直理於淮陽之郡

見傷王  
司徒

父季遠臨川

王諮議參軍宜都太守

隋書揚州臨川郡臨川縣注舊  
置臨川郡南史齊臨川獻王映

高帝第三子帝踐祚封晉地  
理志蜀分南郡立宜都郡

蘭臺石室是所洽聞

環濟要畧

御史中丞有石室以藏  
秘書圖讖詳漢武帝讚

白馬飛狐逾高詞氣

見陪駕

西都

吳融擅名江表言談相會宛如舊焉

見滕王序

君膺令德之

靈稟冲和之氣

見象戲賦

韶齒髻髮

見齊王憲碑

夙智早成愛敬

自天

見步陸逞碑

虔恭得性含仁抱義履信居貞世父儀同

忠惠公特加器異乃謂公曰吾昔逮事伯父太尉公見

語云我昨夢汝登一高樓樓盡峻麗吾以坐席乞汝汝

或富貴恨吾不及見耳吾向聊復晝寢又夢將昔時坐

席還復賜汝汝官位當復見及

南史柳慶遠卒謚忠惠公初慶遠從父兄世隆

嘗謂慶遠曰吾昔夢太尉以褥席見賜吾遂亞台司適又夢以吾褥席與汝汝必光我門族又明帝即位贈柳

元景太尉通考齊開府儀同三司如公梁開府儀同三司位次三公諸將公左右光祿大夫優者則加之同三

公置官屬太尉宋置武冠山玄玉

王祥佩刀世為卿族

見傷王司徒

鮑永驄

馬家傳司隸

漢鮑宣傳哀帝時為司隸宣子永孫昱俱為司隸校尉京師語曰鮑氏驄三入司隸

再入以此連類差無慙德輕車西昌侯作鎮襄漢

本傳梁西

昌侯深藻鎮雍州深藻長沙王懿子天監元年封隋書揚州廬陵郡秦和縣注舊曰西昌

君時年十

二以民禮修謁進止端詳神情雅正侯目送之不輟試

遣左右踐君衣裾欲視舉動君徐步稍前曾無顧盼魏

侯之見劉虞不覺歛容

魏志劉虞轉五官郎中將文學文帝甚器之

漢主之

觀田鳳遂令題柱

見竹枝賦

比之今日曾何足云驃騎廬陵

王帝子出藩

見司馬裔碑本傳廬陵王續為雍州刺史續字世訢武帝第五子也隋書揚州廬陵

郡廬陵縣注舊置廬陵郡

懸衡高選

見宮調曲

以君華望召為主簿張坦

直諫既稱荀令之香

襄陽記劉季和性愛香嘗曰荀令君至人家坐處三日香為我如何

今君主簿張坦曰古有好婦人患而捧心頓眉見者皆以為好其鄙醜婦法之見者走公便欲使下官遁走耶

鄒湛知言彌見羊公之德

晉羊祜傳祜帝與從事鄒湛共登峴山湛曰公德冠四海

當與此山俱傳

諮議府君於都薨背君奔越六日即屆京師形

骸毀瘁

見滕王序

不復可識靈柩沂江

曹植詩靈柩寄京師

中川薄晚

亂流乘選迴風反帆舟中之人相視失色抱棺號慟誓

不求生俄爾之間風波即靜咸以君精誠所致成都孝

子自赴江流

後漢廉范傳范京兆杜陵人父遭喪亂客死於蜀漢范遂流寓西州西州平歸鄉里

西迎父喪載船觸石破沒范抱持棺柩遂俱沉溺衆傷其義鉤求得之

貴陽先賢身彰野

火

見步陸還碑

並存靈應咸可傷嗟太夫人乳間發瘡醫云

惟得人吮癰血或望可差君方寸已亂

見崇傳

應聲即吮



旬日之間遂得痊復君於事親可謂至矣從兄右衛

通考

晉宋以來以領軍護軍左右二衛驍騎游擊將軍謂之六軍南史柳惲世隆子也歷平越中郎將廣州刺史秘書

監右衛將軍

擁旌嶺表苦相攜致

本傳不載

昔馬遊志氣為馬援

所知

後漢馬援傳援謂官屬曰吾從弟少游常哀我慷慨多大志

班嗣才學為班彪

見賞

漢書班彪幼與從兄嗣共遊學

復聞於今日矣乃除永化縣令

本傳

不載按宋書州郡志高涼太守二漢有高涼縣屬合浦吳分立永初郡國高涼領廣化縣

靜尋歌案

或吟長岑之遠乍撫鳴琴不以河陽為陋

見崔詵碑小園春二賦

日南金柱

樹屏曰梁書林邑國者本漢曰南郡象林縣古越裳之界也其南界水步道二百餘里有

西國夷亦稱王馬援植兩銅柱表漢極界處也其國有金山石皆赤色其中生金金夜則出飛狀如螢火合

浦珠泉

梁沈約集高松賦云浦實思于珠泉詳崔氏碑

曾莫經懷未嘗留目解

中平西邵陵王

梁武帝諸子傳邵陵王綸字世調小字六真武帝第六子也普通五年以西中郎

將權攝南

法曹叅軍仍轉外兵除尚書江

疑有誤部郎通考

徐州事

齊制凡公督府置佐局曹以上署正參軍法曹以下署行參軍各一人炯曰梁以前歷代尚書無工部之名

至隋始有吏禮兵刑戶工六部尚書始入禮闈即登蘭閣

見長孫儉碑

尚書僕

射陳郡謝舉

梁書謝舉字揚大大通五年遷尚書右僕射

人望國華引君言

論謂同坐曰江漢英靈見於此矣

見傷心賦

西中郎岳陽王

以綠車之重臨西河之牧

見東江南賦本傳岳陽王蕭登荏雍州通考東中郎將南

中郎將西中郎將北中郎將並後漢置江左彌重或領刺史或持節為之銀印青綬服同將軍隋書荊州巴陵

郡湘陰縣注梁置岳陽郡宋書王孫乘綠車

拔用君為本州治中

通考治中從事史一

人居中治事主衆曹文書漢制也歷代皆有

尋遷別駕

見滕王序

王叔理以品物

流名

魏志王修字叔治素諱辟修為治中從事別駕初修識高柔子弱冠異王基子童幼世稱共知人

陳仲舉以題軒馳譽

後漢陳蕃傳蕃字仲舉周景為豫章刺史辟蕃為別駕蕃不就景因

題別駕輿曰陳仲舉座

君之展驥兼而有之

見滕王序

及乎大盜移國

王室騷然月動星搖雲平虹直

鄭語厲王九年而王室始騷詳二卷及進赤雀

表 岳陽王承制陝左當壁漢南

見司馬商碑及崇傳

天網所頓英

賢畢集

見徵調曲

授君吏部員外郎散騎常侍兼太子侍讀

通考太子侍讀侍講唐太宗為太子始置焉開元初有

侍讀而無侍講按滕王序信年十五侍梁東宮講讀則

梁武時已有 監儲甲觀事重史丹

漢史丹傳上以丹舊臣皇考外屬親信之

此名矣并識

詔丹獲太子

侍講桂宮名高張禹

漢張禹傳初元中立皇太子詔授太子論

家詳二卷

語漢書孝成皇帝元

帝太子也初居桂宮 俄遷車騎大將軍大都督賜爵聞

喜縣公侍中開府儀同三司餘如故

晉書河東郡聞喜縣注故曲沃晉武

帝自晉陽徙北通考梁侍中功高者在職一年詔加侍  
中祭酒與散騎侍郎功高者一人對掌禁令此頗為宰

相方之驂乘霍去病為侍中

漢書霍去病以皇后姊子年十八為侍中譬彼

將兵公孫敖為驃騎

漢公孫敖傳武帝立十歲為驃騎將軍出伐

足以照耀

六府謨明九德

尚書大禹謨帝曰六府三事允治又皋陶謨九德咸事

豈直允諧

上將匡贊中軍而已哉既而言從梁國服政鄴都管仲

有辭即受下卿之禮

左傳齊侯使管夷吾平戎於王王以上卿之禮饗管仲仲辭以有國

高在乃受下卿之禮而還臧叔疑作

孫見德還奏嘉賓之宴

見對宴齊使本傳管

正位江陵以襄陽歸於我霞乃辭管因留鄉里

有詔受

使持節驃騎大將軍開府儀同三司霍州諸軍事霍州

欽定四庫全書

月關卷十

六

刺史

隋書揚州廬江郡霍山縣注梁置霍州

犀節去關

未詳按漢終軍傳

士步入關關吏予軍繻棄繻而去後為謁者使行郡國建節東出關關吏識之曰此使者乃前棄繻生也

袞

衣馳傳

見崇傳

郊迎則文學前驅

漢王尊傳注師古曰郡有文學官魏志文帝書

云文學託乘於後棘

賓衛則邦君負弩

漢書霍去病為票騎將軍擊匈奴道出河東河東太

守郊迎負弩矢先驅

直以五溪遼遠馬伏波之思歸

後漢馬援傳援征五溪蠻

夷會署甚士卒多疫死援亦中病遂困乃穿岸為室三以避炎氣賊每升險鼓譟援輒曳足以觀之會病卒

湘卑濕賈長沙之不願

漢賈誼傳誼既以適居長沙長沙卑濕誼自傷悼以為壽不得

長乃為賦以自廣

是以宜城刺史直會鹿門

襄陽耆舊傳習郁為侍中時從光武

幸黎丘與帝通夢見蘇山神光武嘉之拜大鴻臚錄其  
前後功封襄陽侯使立蘇嶺祠刻二石鹿夾神道百姓  
謂之鹿門廟或呼  
蘇嶺幽為鹿門  
白沙故地仍留龍種  
見紀干  
天厲弗

戒奄然終極天和某年歸寔於襄陽白沙之舊瑩君器

宇詳正風鑒弘敏澡身浴德

禮記儒行儒有澡身而浴德

游藝依仁

語見論語

汝南令望扶風長者

梁元帝集懷舊志序云扶風長者刷其羽毛

不言

財利王夷甫之為德

晉王衍傳衍字夷甫疾妻郭氏之貪鄙故口未嘗言錢

不談

人物阮嗣宗之為人

晉書阮籍字嗣宗嵇康與山濤書曰阮嗣宗口不論人過吾每師之

而未能及

從容亂離之後保此令名

左傳子產書曰僞聞非無賄之患而無令名之

欽定四庫全書

廣府集卷十

七

難

舒卷風雲之際無妨貴仕

左傳楚成得臣曰夫有大功而無貴仕其人能靖者

與有

張衡渾儀之後即賦歸田

見進象經賦表傷心賦

杜預沉碑

以來遂停鄉里

見司馬商碑及二卷

王仲宣有讀書之樓

荊州記當陽縣

城樓王仲宣

登之而作賦諸葛亮有彈琴之宅

荊州圖副云鄧城舊縣西南一里隔河有

諸葛亮宅是漢昭烈三顧處

實欲因此謝病閒居終焉鳴琴在膝或

對故人

見樂府

寶劍自隨時過稚子

見有喜及報趙王本傳霞有子靖莊最

知百年俄頃嗚呼哀哉遂使君子之陵止埋銅劍

山海經注

沒郡冢中得銅劍一枚長三尺五寸今所名干將劍又君子之國其人衣冠帶劍

賢臣之墓惟



銘石函

莊子衛靈公死卜葬沙丘掘數仞得石槨洗視之有銘焉

銘曰

有莊有惠居魯居衛義是隨時

古逸詩柳下惠死其妻誅之曰屈柔從俗不强

察分才堪濟世比部尚書

南史柳琰任梁為尚書左僕射兄弟四人迭為侍中復居方伯

東京司隸必復其始

見辛威碑

侯君相繼華蓋一岳

見明月山銘

文昌一星

見齊王憲碑

青衿辨志童子離經

見五張寺碑

義勗非

馬書勤映螢

見和永豐

往年靈樞漂泊江淹以君哀慟川后

停波

見義谷銘

揚名北海馳譽西河誰登九折

見小園賦

不入朝

歌

漢書鄒陽上梁王書曰邑號朝歌墨子回車

蔚炳胥變

周易大人虎變其文炳也君子豹變

其文蔚也

攀陪遂遠白鹿隨軒

謝承後漢書鄭弘為臨淮太守有兩白鹿隨事主簿黃國

曰聞三公車輜畫作鹿明府當為宰相弘果為太尉

丹輦附冕

後漢與服志卻非冠宮殿門吏僕射

冠之負赤幅青翅燕尾

位參上將榮兼本選蛇盤綬結龜迴印轉

見賀妻慈碑

來朝平樂

見馬射賦

歸政咸陽蕃維即啓軍幕仍張

起茲禮數峻此戎章長離宛宛

見宗廟歌

刷羽陵江

見駕鵞賦

世

急奔流

見代人表

年催驚隼

晉張協詩人生瀛海內忽如鳥過目

滅沒頓轡

淮南

子頓於連石是謂下春

扶桑搖軫

淮南子曰拂於扶桑是謂晨明

智士石折

後漢方術

傅公孫述時武擔石折任文公曰噫西州智士死吾乃當之後三月卒故益部為之語曰任文公智無雙賢

人星殞

見和趙王

西鄂芝枯

未詳

南陽菊盡

見謝王啓

愴焉啓手

論語曾子有疾曰啓子手

生榮終極相杵輟春

秦商君傳趙良曰五殺大夫死春者不相

杵鳴機罷織

列女傳樂羊子遠尋師學一年來歸妻乃引刀趨機曰若中道而歸何異斷斯織乎

羊子復還終業

煢煢屑子

見步陸遲碑

視蔭餘息

左傳趙孟視蔭曰朝夕不相及

霜

露履之

見宗廟歌

哀哉樂棘

見傷心賦

龍巢北望鳳闕前觀

梁元帝集

早發龍巢詩云還瞻起漲岸稍隱陽雲臺水經注江浦右迤也北對虎洲又洲北有龍巢地名也武昌記城北

有開高數丈

松長風遠

戰國策墨子曰荆有長松文梓楸豫章

地厚泉寒

郭義恭廣志北方地厚寒水厚三尺地厚一尺

書理簡落

見謝王啓

琴覆絃寬贈

行之冊

見長孫  
儉碑

書而納棺

見辛  
威碑

周大將軍襄城公鄭偉墓誌銘

公諱偉字子直滎陽開封人也

魏地形志梁州開封郡  
開封縣注二漢屬河南

晉屬滎陽真君八年併苑陵  
景明元年復孝昌中屬陳留

周宣母弟就封於鄭河洛

之地即有民人號鄩之君非無郡邑

見鄭  
常碑

其後蛇關於

門

左傳內蛇與外蛇關於鄭南  
門中內蛇死六年而厲公入

龜嘗於鼎

左傳楚人獻  
龜於鄭靈公

及食大夫龜召子公而弗與也  
子公怒染指於鼎嘗之而出

韓侵負忝晉滅陽城

見和

承豐  
言志

其祀忽諸

見哀江  
南賦

以國為氏

王符潜夫論志氏姓  
云齊魯吳楚秦晉燕

趙所謂國也本傳偉小名閼提  
魏將作大匠渾之十一世孫

祖徹撫軍贈濟州刺史

本傳祖思明仕

魏至直間將軍卒後贈濟州刺史  
隋書宛州濟北郡注舊置濟州

父先護驃騎大將軍儀同三

司襄城郡公

隋書豫州潁川郡襄城縣注舊置襄城郡

青州刺史永安中洛城晝掩

後漢寇恂傳蘇茂軍陳動恂因奔擊大破之  
追至洛陽遂斬賈彊自是洛陽震恐城門晝開

黃河凌合

見長孫儉碑

翟

泉會盟之地蒼鳥忽飛

見袁江南賦

武庫兵欄之中鱗魚遂上

見思

舊三帥北綫

見擬咏懷

五馬南浮

見袁江南賦本傳余朱榮死徐州刺史余朱仲遠擁兵將入洛詔先護率

所部與行臺楊昱及都督賀拔勝同討之勝于陣降仲遠又聞  
京師不守大衆遂潰先護遂奔梁尋自梁歸為仲遠所害

梁

武帝大造中原樹君伊洛

左傳晉侯使呂相絕秦曰是我大有造于西也梁武帝紀魏孝明皇帝崩

余朱榮弒幼主及太后胡氏魏大亂其北海王顥臨淮王或汝南王悅並來奔以魏北海王顥主魏遣東宮直閤將軍陳慶之衛送還北中大通元年元顥入京師僭號建武余朱榮攻殺元顥二年遣魏汝南王悅還北主魏四年又以太尉元法僧還北主魏

公憑軾棧車

漢書鼂錯上書曰五丈之溝漸車之水劉熙釋名棧車庶人之車詳長孫儉碑

言歸舊壤

起為通直散騎侍郎

通考注晉武帝置員外散騎侍郎及大興中元帝使一人與散騎侍郎通直故謂之通直

散騎侍郎即北魏北齊並有此職

天厭魏德政在強臣公耻入亂階

詩職為亂階

乃於陳留

起義太祖封函谷而待諸侯

見答趙王啟

坐艷宮而朝羣后

見馬射賦

威懷是接席捲西飛

見袁江南賦

大統三年入朝

北史本傳余朱氏滅後偉自梁歸魏

孝武西遷偉歸鄉里大統三年河內公獨孤信復洛陽偉與宗人榮業建義于陳留信宿間衆有萬餘人遂攻拔梁州擒東魏刺

史鹿永吉及鎮城令狐德并獲  
陳留郡守趙季和率衆來附  
蒙授武陽縣開國伯食邑

六百戶尋除龍驤將軍北徐州刺史開河橋之陣解玉壁

之圍張旃於富平

見哀江南及春賦

被練於伊闕

左傳楚子重使鄧廖率被練三千以

侵吳後漢靈帝紀注伊闕關名

探虎穴而揮戈

後漢班超傳超曰不入虎穴焉得虎子

上魚門而

懸胄

見哀江南賦

故以策名司勳

見為閭將軍表

功高勇爵

見鄭常碑周王思政

傳思政以玉壁地在險要請築城移鎮之八年東魏來寇思政守禦有備敵人晝夜攻圍卒不能克本傳從戰河橋及解玉壁圍

偉常先鋒陷陣詳魏將侯景狼顧荊河

魏陳琳集檄吳將校部曲文云鋒揮特起

鷗視狼顧爭為梟雄者不可勝數

天子命我偏師赴援

見賀婁慈碑

垂餌虎口

見崇傳

中途背盟

左傳劉康公徵戎將遂伐之叔服曰背盟而欺大國此必敗背盟不祥欺大國不義

神人不助將何以勝

事獲交綏

見移齊文

公之功也

本傳侯景歸款太祖命偉率所部應

接之及景後叛

除中軍將軍

通考中軍將軍漢武帝時常以將軍公孫敖為之至

晉武帝時復置中軍將軍以統宿衛七軍

散騎常侍大都督襲襄城郡公

食邑二千戶仍除使持節車騎大將軍儀同三司餘

如故遷驃騎大將軍開府加侍中

本傳不載

常伯位重

見豆

盧永思碑

霍去病之登朝上將官尊公孫敖之出塞

見柳震銘以今

方之異代同榮魏後二年授大將軍江陵防主

北史附庸傳周



文仍置江陵防主統兵居於西域名曰都督十五州諸

武植周文外云助營備御內實防營

軍事吳兵教士艦舳習流

見哀江南賦

島嶼憑陵波瀾衝激

公贇臨江介已悉南越之兵裁泛樓船即善昆彌

疑作

之戰

屈原九章悲江介之遺風西京雜記昆明池中有戈船樓船各數百艘詳和趙王及司馬裔碑

得安歌澧浦弭節潯陽

屈原九歌疏緩節以安歌又遺余珮兮澧浦又夕弭節兮潯陽

留魯侯而宴章臺

魯連書曰楚子享魯侯於章華與之大曲之弓既而悔之

對齊人

而畋雲夢

見謝趙王啓北史周太祖紀魏恭帝元年立蕭營為梁主居江陵為魏附庸二年梁廣州

刺史王琳寇遣十月帝遣周保定元年授使持節都督大將軍豆盧寧帥師討之

宜州諸軍事宜州刺史天和六年授都督華州

隋書雍州京兆

郡鄭縣注後魏置東雍州并華山郡西魏改曰同州餘如故

嶠函重嶂

漢書注嶠山今陝縣東二嶠是也水經注潼關歷北出東嶠通謂之函谷關

汧渭

分流

水經注汧水出汧縣西山謂之小隴山其水東北流歷澗注以成澗潭漲不測出五色魚俗以爲龍

而莫敢採捕因謂魚龍水亦通謂之魚龍川又渭水出隴西首陽縣渭谷亭南鳥鼠山禹貢所謂渭出鳥鼠者

也陽陵之隘既奔

後漢蔡邕集京兆樊惠渠頌云陽陵縣東其地衍隳土氣辛螫嘉穀不植

京兆尹樊陵折湍波致曠陵昔日鹵田化爲甘壤謂之樊惠渠云

華陰之學還集

見和何儀

同而消渴連年屢有相如之患

見傷王司徒

至於大漸遂如

范增之疾

漢項傳羽疑范增稍奪之權增大怒歸未至彭城疽發背死詳謝滕王啓

桐君

對藥分闕神明

拾遺記昔仙人桐君採石入穴數里得丹石雖春碎為藥服之者令人有聲氣

後天而死

樹穀曰梁陶弘景集本草序云有桐君採藥錄說其花葉形色藥對四卷論其佐使相須

李

柱侍醫更無方技

漢藝文志侍醫李柱國校方技

以天和六年四月十

七日薨年五十七詔贈本官加少傅都督司豫洛相冀

五州諸軍事司州刺史諡曰肅公禮也

本傳子大士嗣

天子輟

朝彌深大臣之誼

見步陸退碑

羣公會葬咸得同盟之禮

左傳

天子七月而葬同軌畢至諸侯五月同盟至大夫三月同位至士踰月外姻至

夫人李氏頓丘

貴姓

魏地形志頓丘郡領頓丘縣

卿相之門賢才之室

見段永碑

霜露先

侵策封郊次

漢公孫弘傳上曰君不幸罹霜露之疾何患不已左傳秦伯素服郊次

以其

年十一月六日合葬於咸陽長安縣之某原

漢地理志京兆尹長

安縣注高帝五年置

合葬非古既異三王之前

見步陸還碑

死則同穴

還同六載

疑作義

之始

見司馬裔碑

雖復銜珠兩鶴同歸紫蓋

之松

見進蒼鳥表及鶴讚

出匣雙龍共沒延平之水

見從駕

嗚呼哀

哉乃薦銘曰

國有巖邑

左傳鄭莊公曰制巖邑也

朝多君子

左傳鄭六卿餞宣子於郊宣子曰二三君

子請皆賦起武公莊公平王卿士溫麥徒盟見齊王亦以知鄭志憲碑祊

田廢祀

左傳鄭伯使宛來歸祊不祀泰山也

駭乘停輿

晉鄭默傳默為散騎常侍武帝出祀

南郊詔使

來朝識履

見鄭常碑

惟祖惟考既公既侯樞機周

密

見步陸還碑

出納清通

劉義慶世說鍾士季曰裴楷清通王戎簡要後二十年此二賢為吏

部尚書冀天下無滯才詳應詔

治繁政簡處亂心雄濟河遺惠海岱餘

封世濟其美

見徵調曲

載誕其器忠無不為

左傳荀息曰公家之利知無不

為忠也送往事居耦俱無猜貞也

孝則不匱

詩孝子不匱

幽冀紛梗闕河鼎

沸

見傷賦

自北自南聲聞梁魏揚旌汝頤威震三川擁旌

江漢席卷樓船成皋塵起見賀妻碑廣武烽燃廩興麗箭

見哀江雁落驚弦見馬射賦總衛蘭錡張衛西京賦武庫禁兵記在蘭錡注架兵

也申威河外山類鼓樓見司馬商碑樹如車蓋蜀志羅上有桑樹童童如

小車蓋先主少時戲於樹下都護兩道言出自將軍獨

言我必當乘此羽葆蓋車拜見為問梧桐茂苑迷異記梧桐園在吳夫差舊園一

王別館有楸梧成林馬古楊柳倡家永詳千金迴雪見和

射百日流霞見和示凋零倏忽悽愴榮華河陽古樹金

谷殘花見春賦隴昏雲暝山淡路晚風氣纔高松聲即遠

疇昔親及懽愉交結不為生平應為此別

周大將軍瑯邪定公司馬裔墓誌銘

公諱裔字遵脩河內溫人也南正司天北正司地是謂

義和之官即嗣重黎之政

見馬射賦及裔碑

邛之歸楚與章邯

而並封

漢高帝紀項羽立秦將章邯為雍王趙將司馬邛為殷王

豫之避秦共毛公

而俱去

未詳

祖金龍仍居選部水鏡三臺

見和何僕射及滕王序

父

悅再牧荆河威風千里而身遭禍機遂為樂布所哭

漢書

梁王彭越以樂布為大夫及漢誅越布嗣而哭之

獲存遺嗣實賴程嬰之忠

見商

碑

國家追念功臣更撫叔教之子言思官族還求女齊

之肅

見請襲封表

公始應辟為河內功曹除員外郎常侍汲

郡治兵

漢地理志河內郡領汲縣詳裔碑

黃河浮馬

用五馬事也見二卷

摧鋒軹

關之捷

見裔碑

逐北長城之陳

周高祖紀保定四年春楊忠破齊長城至晉陽而還

授平東將軍北徐州刺史柳泉風塵三城席卷陰鋒

鏑千室入關

括地志邵伯廟在洛州壽安縣邵伯聽訟甘棠之下後人思其德因立廟有棠在九

曲城詳裔碑

遷車騎大將軍儀同三司開國龍門縣伯仍除

巴州刺史雖復巴水三迴

華陽國志建安六年魚復塞白璋爭巴名璋乃改永寧



為巴郡以固陵為巴東徙鳳

夷歌數曲

左思蜀都賦注  
白狼夷在漢壽

西界明帝時作詩三章以頌漢德

徒逢白竹之弩

見齊王憲

碑

已濟青衣之功

華陽國志青衣有洙水出蒙山下會江南安福山脇涸崖水脈漂疾破害

舟船歷代患之李冰發卒鑿平涸崖通正水道

朝廷以漢之功臣須開上將之

府

漢書元狩二年始用霍去病為票騎將軍定令令票騎將軍秩祿與大將軍等

晉之伐曹宜

紹琅邪之國

晉元帝紀年十五嗣位琅邪王

遷驃騎大將軍開府改封

琅邪公食邑一千五百戶宮闈近密實俟忠貞詔為大

御伯仍除大御正

見步陸

職司常伯任總夔龍

見馬射賦及豆

欽定四庫全書

卷十

盧永恩碑

王道既平

尚書洪範無黨無偏王道平平

絲言惟允

見應詔

尋除始

州刺史都督始州諸軍事蠻夷恃險狼顧鵠張

魏文帝集典論

云衆人無不鵠視狼顧

高山尋雲深谷無景

見佛龕銘

九地縱橫

孫子善守

者藏於九地之下

三門起伏

見乾千弘碑

峯危馬束

見齊王憲碑

水險橋

飛

見和江泛

遂得谷靜山空

見裔碑

冰消霧散

文選陸雲詩雙袂如霧散

仍

為信州刺史都督信州諸軍事精兵守於白帝足懼巴

州之城船梯下於荊州彌動西陵之戎

見相泛江及裔碑

即授

使持節大將軍都督西寧州諸軍事西寧州刺史將啓

北戶之人

淮南子南方之極自北戶之界至炎風之野亦帝祝融之所司

向通雲南之

國

見謝趙王啓

聞寵若驚

老子寵辱若驚傳裕有肥遁之志

樹敏曰晉阮裕

近不驚寵辱

奄從深夜

宋玉九辨去白日之昭昭兮襲長夜之悠悠

公愛敬純深

見步陸暹碑及二卷

有隱無犯

見豆盧永恩碑

忠貞直亮知無不為

見鄭偉銘

在戎四十二年身經六十九戰至於多竈唱籌

南史宋檀道濟

夜唱籌量沙魏人謂資糧有餘不敢逼詳擬咏懷

並得成功飛沙擁

疑作

石

齊高固築石以投人詳鄭常碑

未嘗乖律恂恂教義吳起西河之功

吳起

傳起為將與士卒同勞苦魏文侯以為西河守

閑閑旗鼓李牧長平之政

李牧傳牧

欽定四庫全書

卷十

常居代雁門市租皆輸入幕府為士卒費日擊身死之

數牛饗士匈奴不敢近趙邊城封為武安君

日家無餘財兆宮曰蜀志諸葛亮自表後主曰臣死之日不使內有餘帛外有贏財以負陛下

山水所資一由詔葬有始有卒

左傳惠伯曰喪親之終也雖不能始善終可也

生榮死哀

論語其生也榮其死也哀銘曰

祝融是命

帝王世紀共工氏與祝融戰

重黎克舉

見裔碑

公族乃建

見賀

妻慈碑

天官即序避世於秦承家於楚金行失馭玉鏡淪

輝我之烈祖識變乘機黃旗東沒

見哀江南賦及裔碑

青蓋西飛

見膝王序

落星置道

山謙之南徐州記臨沂縣前有落星山即緣江園所謂落星浦也

長州

出圍

漢素盞傳盞以泰常使吳吳王欲殺之使一都尉以五百人圍守盞軍中初盞為吳相時從史適在

守盞校為司馬乃以其裝齎買二石醇醪飲醉西南陬卒乃以刀決帳道從醉卒直出

及我皇父

荆河再撫

見商碑

世屬喪亂身沒猾虜

吳志陸遜傳書與羽曰操猾虜也

嗟我遺嗣崎嶇趙武

見商碑

寒覆鳥翼飢吞獸乳

尚璠曰搜神記

齊惠公妾蕭同叔子生子棄之有狸乳而鷄覆之取而養之是為頃公

獲歸河內更襲琅

邪年方竹馬

博物志小兒五歲曰鳩車之戲七歲曰竹馬之戲

怨結長蛇

見連珠

藏兵九地置劔千家

置劔疑作仗劔詳步陸逞及商碑

雪山埋馬

魏志鍾會

伐蜀命許儀理道橋穿陷馬足乃斬儀

水河陷車

見和趙王

既乃班政超然榮

守朱鷺頻飛

詩義疏楚成王時有朱鷺合沓飛翔舊鼓吹音樂朱鷺曲是也

金龜轉鈕

見賀妻

築塞長榆

見軍行

營軍高柳

見幸威碑

玉案推食

見乾弘

碑

河橋勸酒

見春賦

石門冰釋

老子渙兮若水之將釋詳喬碑

金堤電散

見司

蘆水門闕

魏畧太祖救漢中諸軍還到長安因留騎督大原烏丸王魯普使屯池陽以備

蘆水

銳曰水經注巨合水又北合閼蘆水閼蘆水導源馬耳山北徑博亭城西西北流至平陸城與武原水

合茅津茂觀

左傳秦伯伐晉濟河焚舟取王官及郊晉人不出遂自茅津濟封穀尸而還後漢郡

因志河東

馭風逸翮

見代表

修塗始半

屈原離騷路修遠以周流建武

功臣先悲吳漢

後漢吳漢傳及亮有詔悼愍賜諡曰忠後文苑傳大司馬吳漢亮光武詔諸儒

諫之杜篤於獄中為諫辭  
最高帝美之賜帛免刑

寂寥搖落

宋王九辨寥寥兮收潦而水清詳傷

心賦 遊揚浸微

見宗廟歌

金城路斷

見賀妻碑

郿塢人稀

後漢書董卓築

塢於

風松雲蓋

郭璞遊仙詩雲蓋隨風迴詳羽調曲

白水山衣

鄧德明南康記白水

有高巖臨水頂有七侯墓遙望松栢卒歲不凋說者曰  
墓處極峻乃累石為塚又別有金錢藏不可得開若欲  
由上必遇雷晦之異夜時見  
光色如電之爛所謂金精也  
賢已星殞  
見和趙王  
人沒蘭衰  
見傷  
心賦

# 周大將軍上開府廣饒公鄭常墓誌銘

公諱常字子元滎陽人也周宣王之弟初封其國

見常碑

鄭穆公之孫始成其姓

鄭世家襄公皆以穆氏為大夫

祖思慶建威將

軍山陽太守考頊儀同三司豫州刺史南陽坐嘯值此

邦君

後漢書汝南瑤曰汝南太守范孟博南陽宗資主畫諾南陽太守岑公孝弘農成瑨但坐嘯

西

河建隼逢斯刺舉

見常碑及贈淮南公

公侯繼踵

見崇傳

冠冕連鑣

見和吳法師

可得而言傳於史冊公髫髻知禮早年馳譽就

經黌舍畧見書堂

未詳按後漢楊震傳震客居於堂有冠雀銜三鱣魚飛集講堂前都講曰

先生自此升矣秋臣曰朱浮傳浮上書曰先建太學造立橫舍注橫學也或作贊義同

習武兵欄

偏知劔術

見從駕及辛戚碑

雖復年猶小學已為儒者所稱

見崇



傳位在偏裨即入將軍之賞

漢馮奉世傳上讓之曰大將軍出必有偏將軍何煩

馬大統三年起義華陽授永安縣開國男

隋書冀州西河郡領永安

縣按常碑作永樂

文皇帝霸迹初基英雄輻輳

陸機辨亡論異人輻輳

公

仗劔轅門

見進白兔表及步陸逞碑

潁川從我

見豆盧永恩碑

洛城逆戰壯

於白馬之兵

見齊王憲碑及為閭將軍表

河橋解圍勇於烏林之策

見乾干弘碑

授平東將軍帥都督襲父封魏後三年授持節

車騎大將軍儀同三司車騎用郭淮之勲

魏志詔曰漢川之敗淮臨

危濟難在關右三十餘年功績顯著以淮為車騎將軍

儀同取王沉之貴

見步陸逞碑

欽定四庫全書

卷十

公之此授僉曰得人進爵廣饒縣公邑千戶保定三年

授使持節都督遷州

常碑作羅州

諸軍事遷州刺史

隋書梁州房陵

郡注西魏置光遷國後周國廢置遷州

即總領金州兵馬開拓北戎高山

尋雲深谷無景

見佛龕銘

梯繩乃上

漢西域傳烏耗國其西則有縣度縣度者石山

也谿谷不通以繩

浮竹裁通

見司馬商碑

閩越影嚮

漢書閩粵王無

諸其先皆越王勾踐之後也姓駙氏漢五年立無諸為閩粵王王閩中故地都治

勾吳聲勢

吳世

家泰伯之奔荆蠻自號勾吳

公出戰短兵

見移齊文

並皆奔北瓦解兵碎

見哀江南賦

山空谷靜

見司馬商碑

授持節開府儀同大將軍栢

梁高宴有大將軍之詩

見應詔

幕府初開有平陵侯之國

漢衛青傳取河南地為朔方郡封青校尉蘇建為平陵侯詳哀江南賦

比之今日豈可同

年而語哉自是使車被之繡服

見常碑

風謠是察刑政是

觀公露節東馳風奔羣盜

見崔說碑

埋輪當路威振中原

見商

調曲武皇帝有孟津之師

見宮調曲

以公為中權之勁

見進白免表

外從決勝內侍軍謀

見擬咏懷

及文軌既同

見袁江南賦

旃旌已

偃

見賀平鄴表

司勲行賞

見為將軍表

軍吏舉功乃授使持節上

開府增邑五百戶賜姓宇文與國同乘之榮

左傳襄公二十四年

欽定四庫全書

卷十

晉張豁輔驥謂鄭宛射大曰周之宗盟非復異姓之後

公曰同乘兄弟也胡再不謀見靖集隆寵所歸公室無疎見賀婁

見謝滕蕃屏是寄封表隆寵所歸公室無疎見賀婁

此之謂矣九州都督須得其才千里諸侯實俟其政

後漢張酺傳疏曰猥當乃為使持節都督東徐州諸軍

事徐州刺史尋遷南兖州諸軍事南兖州刺史公總領

六條見司馬再勞十部晉劉弘傳守相咸曰得劉俗變

風移尚書既歷三人懷吏畏見辛滯穗遺稌有利疲人

詩遺稌滯穗山桑野蠶足充貢賦續漢書建武二年野

伊寡婦之利蠶成繭野民收其絮

化被殊俗威行鄰境奏事京師四方第一

後漢李忠傳忠為丹陽太

守三公奏課為天下第一謂真刺史其在斯乎

魏志賈逵為豫州刺史其二千石以下阿

縱不如法者皆舉奏免之帝曰遠真刺史矣

春秋未高奄然遘疾以大象元

年薨於州鎮時年六十三嗚呼哀哉吏人攀慕

見答教

飛

走變色

見司馬商碑

河濟輟春

見柳霞銘

淮沂罷市

晉書羊祜卒人為巷哭罷

市詳常碑

以今年歸葬於滎陽之山詔贈某官

見常碑

禮也嗟

陵谷之貿遷

見司馬商碑

懼徽猷之永遠

詩君子有徽猷

地久天長

老子天長地久

敢鐫貞石銘曰

欽定四庫全書

卷十

荆河惟豫

見司馬商碑

洛食之本

見為間將軍表

水繞滎波

見常山碑

斜陸渾

漢地理志弘農郡有陸渾縣注春秋連陸渾之戎於此有闕

德星猶照

見和趙王

祥風未遠

黃帝風經調暢祥和天之喜氣也

代不乏賢又無闕究

疑作衆詩

衆職有闕惟仲山甫補之

公之生也實降英靈

見竹杖賦

忠為德本孝稟

天經

見齊王憲碑

觀書虎館

見北園

學劒龍亭雕弓偃月行馬

流星

見馬射賦

置陳黎陽

後漢馬武傳注光武置黎陽營

麾兵官渡平陰聽

鳥馬陵書樹

見齊王憲碑

氣視迴津星占飛步火斷羌營

後漢

廉范傳范遷雲中太守會匈奴入塞日暮范令軍士各交縛兩炬三頭焚火營中星列遂驚退

沙奔

賊路

見常碑

及驅犀節乃牧雄州吏不驚犬

見乾弘碑

人無

喘牛

見齊王憲碑

西蠶得歲東作逢秋

漢書力田不如達年詳馬射賦

草爛

獄戶

文選王融曲水詩序鞠茂草於園扉

星低市樓

漢甘石星經市樓六星在市門中主閭閻

之司今市曹官之職

五將星亡

見崔說碑

三台岳折

見齊王憲碑

哀哉天道

遂常明哲

詩既明且哲以保其身

棟梁崩壞

檀弓孔子歌曰泰山其頽乎梁木其壞乎

哲人其萎乎既歌而入詳齊王憲碑

風雲寂滅北郭長悲

見傷王司徒

東都永

別

見傷心賦

幽深此地宅兆斯憑

見為祀公表

山迴虎園

漢郊祀志作建

章宮其西則商中數十里虎園

路上魚陵

見常碑

悲風夜烈

見乾弘碑

苦霧

欽定四庫全書

廣府集卷十

三

晨凝蘭芬菊茂終古相成

屈原九歌春蘭兮秋菊長無絕兮終古

周大將軍義興公蕭太墓誌銘

昔司徒之敷五教當堯讓之初

尚書舜典帝曰契汝作司徒敬敷五教在寬

丞相之總萬幾值秦亡之後

漢蕭何傳何以丞相留守巴蜀填撫諭告使給軍食

若殷人受氏乃承微子之封

宋微子世家周公既承成王命誅武庚乃命微子開

後殷

梁運應圖實啓延陵之國

吳世家季札封於延陵故號曰延陵季子

諱太字世怡蘭陵人也

隋書徐州彭城郡蘭陵縣注舊承置蘭陵郡

太祖文

皇帝之孫

武帝父諱順之

鄱陽忠烈王之子

武帝弟諱恢

派別天潢



見為祀  
公表

支分若木

見馬射賦

直幹自高澄源已遠

見司馬商碑

茂

親明德是稱毛畢之功宗子維城乃建邢茅之國

左傳子魚

曰選建明德以蕃屏周富辰曰凡蔣邢茅昨祭周公之廟也尚書畢公領司徒毛公領司空詳官調曲

大

同元年年十六封豐城縣開國侯

晉地理志豫章郡領豐城縣

食邑

五百戶山臨霍塞非無陶侃之賓

晉陶侃傳侃本鄱陽人也吳平徙家廬江

之潯陽後以母憂去職常有二客來弔不哭而退化為雙霍冲天而去詳霍讚

氣連牛斗即有

張華之劔

見從駕

解褐給事中仍太子洗馬

通考給事中加官也秦置

漢因之梁陳亦掌獻納省諸聞奏洗馬秦官漢亦曰先馬後漢員十六人太子出則當直者前驅導威儀也梁

有典經局又置八人掌文翰尤為清選

公子出身非郎中而同品

北堂書鈔陸機

皇太子清宴詩序余以太子洗馬出補吳王郎中

申朝洗馬異式道而前驅

漢百

官公卿表太子太傅少傅古官屬官有太子門大夫庶子先馬舍人如淳曰先或作洗洗馬前驅也漢舊儀云

靜官令式道候泰官也車駕出在前先驅靜清所徵以示重慎詳賀婁慈碑

以公居之誠為

高選

晉起居注云東宮洗馬一時之高選

大同元年入直殿省其年轉太

子中書舍人

通考中舍人晉咸寧初置中舍人四人以舍人才學之美者為之在中庶子下洗馬

上凡奏事文書皆綜典之監和嘗藥月檢奏直臣名更直五日典文疏如中書郎梁時功高者一人與中庶子

祭酒掌其坊之禁令

南宮宿衛職司蘭錡

見和字文內史及鄭偉銘

北閣從班

榮叅顧問

初學記中書舍人自晉宋以來惟掌呈奏至梁並入閣內始專掌中書詔誥陳及北朝皆

因之詳通籍兩宮

見為祀公表

得賢斯在大同三年授持節

仁威將軍譙州刺史

魏地志譙州注景明中置渦陽郡孝昌中陷武定七年復置州治

渦陽城通考自魏以來庶姓為州而無將軍者謂之單

車刺史凡單車刺史加督進一品都督進二品不論持

節假節晉制刺史三年一入奏宋與魏同

褰帷祥氛之

梁刺史受之明日解宮廟而行皆持節

境

魏志文帝生於沛國譙郡時有雲氣青色而圓如車蓋當其上終日望氣者以為至貴之證詳上趙王

刺舉消憂之地

文選王粲從軍詩朝入譙郡界曠然消人憂詳和淮南公

南陽風俗

文學更多

見長孫儉碑

美稷相迎童兒逾遠

見謝趙王啓既而亂

離瘦矣

見段永碑

王室騷然

見柳霞銘

大夫有行役之悲君子有

無期之怨

見擬咏懷

背闕懷楚

見哀江南賦

扁舟而行

越世家范蠡曰君行

今臣行意乃乘舟浮海以行

江漢奉當璧之君

見崇傳

華夏奉中興之

主

見哀江南賦本傳秦為燕州刺史侯景為亂路由城下秦破執尋遁逃得免至於江陵

承聖元

年拜侍中無雙對問實踵武於丁鴻

見北

多識舊章足

齊衡於王粲

見司馬商碑

二年除持節平西將軍臨川內史

仍轉平南將軍桂陽內史

隋書荊州桂陽郡彬縣注舊置桂陽郡有萬歲山有漆水

南史梁桂陽簡王融文帝第五子天監元年封桂陽郡王

尚方鑄印再轉金龜

漢百官公

卿表少府屬官一曰尚方師古曰御史分符雙封銅虎

尚方主作禁器物詳賀妻慈碑  
漢文帝紀初與郡守為銅虎符竹使  
符注發兵遣至郡合符符合乃發  
豈直鄧攸清白見

稱五鼓之歌  
晉鄧攸傳攸為吳郡守俸祿無所受惟飲  
吳水而已吳人歌曰統如打五鼓雞鳴天

欲曙鄧侯挽不  
劉寵廉能名為一錢之郡  
後漢循吏傳  
劉寵拜會稽

太守徵為將作大匠有五六老叟人齎百錢以送寵曰  
明府下車以來狗不夜吠民不見吏寵為人選一大錢

受遂以天定未定  
見哀江王塗多梗  
見純干  
還吳不可

歸蜀無路  
蜀志黃權對魏文帝曰臣過受劉主  
殊遇降吳不可還蜀無路是以歸命  
臨淄負

海  
見齊王翻然改圖  
孟子既而  
竄身清漳  
見哀江  
垂翅

渤海

本傳未至桂陽郡屬江陵陷遠從兄修在郢州及修卒即以泰為刺史湘州刺史王琳襲泰泰以州

輸琳時陳武帝執政徵為侍中泰疑而不就乃奔於齊博物傳東海稱渤海詳和張侍中蒙授車騎

大將軍散騎常侍仍為持節都督永州刺史

隋書豫州汝南郡城

陽縣注梁置楚州東魏

而秦亭壓境

見辛威碑

邾析聞城

左傳

魯伐邾及范門猶聞鐘聲茅成子請告於吳不許曰魯擊析聞於邾吳二千里不三月不至何及於我

鼓

角地鳴將軍天落雖復鉗鉗聽聲無防於地道

史記田單傳老

弱皆擊銅鼓為聲燕軍大敗詳從軍及哀江南賦

冠繩柴結

有誤

不却於雲梯

魏畧

邾昭築陳倉城諸葛亮起雲梯衝車以臨城昭以火箭射其雲梯人皆燒死又以繩連石磨雁其衝車衝車折

請命受降

見鄭常碑

翻歸都護

見出自薊北門本傳保定四年晉公護東伐大將軍權景

宣畧地河南泰閏豫州刺史王士良已降遂來歸款

周朝以楚材晉用不停於平

章趙壁秦求無論於羈遠

見哀江南賦

以保定五年除使持

節驃騎大將軍開府儀同三司義興郡開國公

隋書豫州汝南

郡城陽縣注有義興縣後魏置城陽郡

食邑一千三百戶天和二年授使

持節都督蔡州諸軍事蔡州刺史

周太祖紀魏廢帝三年改南雍為蔡州

楚項襄之愛子既布衣而函谷

見哀江南賦

魏安釐之母弟

亦羈旅於邯鄲

見連珠

憂既傷人降年不永

見宗廟歌

春秋五

十有一薨於蔡州之鎮送故入關空餘衮服

水經注江

倉倉即日南太守虞國舊宅是地即其雙雁送故處禮記喪大記復者朝服君以衾夫人以屈狄大夫以玄纁

世婦以禮衣士爵弁士妻以稅衣皆升自東榮中屋復危北面三號卷衣投於前 歸軒在道還

更垂帷

禮記尸未設飾故帷堂小飲而徹帷

嗚呼哀哉有詔贈官諡某禮

也

本傳贈本官加并洛永三州刺史

五年十一月葬於長安北原

漢地理志

左馮翊萬年縣注三輔黃圖云太 上皇葬標陽北原起萬年陵是也 嚮里子之墳正臨武

庫

見思舊銘

太史公之墓直對皋門

漢司馬遷自叙曰昌生母惲母惲生喜卒皆葬

高門喜生談 銘曰  
為太史公



玄鳥遠烈

詩天命玄鳥降而生商

相土弘謨

左傳闕伯居商丘相土因之相土契孫也

東封宋社

左傳莊公十二年宋萬弑閔公立子游蕭叔大心以曹師伐之立桓公

西歛秦

圖

見賀平

人承佐漢國紹開吳有美令德茂親藩邸

漢

帝紀代王謝曰至邸而議之師古曰郡國朝宿之舍在京師者率名邸

建國皇支承家帝弟

率由冥會

詩率由舊章拾遺記錄曰夫精靈變化其途非一冥會之感理故難常

直亮天

啓

漢後陳蕃傳前太尉陳蕃忠清直亮詳賀新樂表

轅固聞詩

漢儒林傳轅固以治詩孝景時

為傳

唐都習禮

漢書太史公學天官於唐都

博望之苑

見扣同

金華

之宮

漢書鄭寬中張禹朝夕入說尚書論語於金華殿中

文林講德

梁昭明太子集答湘東王

書云寧遊武帳叅戎見哀江南賦名書柱上見竹枝賦策滿帷中

見擬託身溜右涖政淮東秦亭西逼見辛威碑楚澤南窮見哀

江南時驚獵火信陵君傳公子與魏王傳而北境傳舉

田獵耳非為寇或懼秋風見和張屬茲遠畧逢茲應變

陣橫十里兵圍一面月暈孤城見報寄洛州及望月塵驚虛援考

記戈廣三寸胡春筍非糧續晉安帝紀豫州刺史司馬

儲稍竭是時蘆笋時也尚之指笋曰秋蒿無箭見燕歌垂

翅卧龍見和張侍中夷衿輟戰時值懷來恩加始賞王

及齊王憲碑

爵愈峻戎章更上朱鷺才飛

見司馬商碑

虞歌即響

左傳吳子伐齊

將戰齊公孫夏命其徒歌虞殯

泣子留恨

蔣子方機論象見子皮無遠近必泣

藏書長往

見司馬商碑本傳子寶嗣

炎涼迭運

沈約解佩去朝市詩天道有盈缺寒暑遞炎涼

零落山

丘

魏曹植詩生存華屋處零落歸山丘

霜芬幙月松氣陵秋嗟南國之王

子

見哀江南賦

成東陵之故侯

見剛左正員

周大將軍懷德公吳明徹墓誌銘

公諱明徹字通昭兖州秦郡人也

晉地理志元帝渡江有秦國流人至江南

改堂邑為秦郡僑立尉氏縣屬焉

西都列國長沙王功被山河

見齊王憲碑

東京貴臣大司馬名高霄漢

見豆盧永恩碑

豈直西河有守志

足抗秦

見辛威碑

建平有城威能動晉而已也

見和泛江

祖尚南

樵太守父樹右軍將軍抗拒淮沂平夷濟潔

見鄭常碑

代為

名將見於斯矣公志氣縱橫風情倜儻

漢禮樂志倜儻精權奇

祀

橋取履早見兵書

見張良讚

竹林逢猿偏知劒術

見紀弘碑

故

得勇爵登朝

見鄭常碑

材官入選

漢申屠嘉傳以材官蹶張從高帝擊項籍

起家

東宮直

通考內直即齊有太子內直兵局內直兵史二人梁有直內主璽主衣扶持等局各置有司以

丞其事

後除左軍葛瞻始嗣兵戈仍遭蜀滅

蜀志諸葛瞻亮子也為行

都護衛將軍鄧艾入蜀誘  
瞻降瞻斬艾使臨陣死

陸機纔論功業即值吳亡

晉書

陸機以祖父世為將相有大勲於江  
表欲述祖父功業作辨亡論二篇

公之在梁未為達

也自梁受終齊卿得政禮樂征伐咸歸舜後

南史韋鼎傳鼎謂陳

武帝曰梁其代終天之歷數當歸舜後昔周滅殷封湯  
汭於宛丘其後子孫因為陳氏明公天縱神武繼絕統  
者無乃是乎

是以威加四海

見漢高祖讚

德被諸侯蕭索烟

雲見宗廟歌光華日月

見馬射賦

公以明畧佐時雄圖贊務鱗翼

更張

後漢光武紀耿純曰  
固望攀龍鱗附鳳翼

風颭遂遠

見秋夜

冠軍侯之用

兵未必師古武安君之養士能得人心

見統千弘及  
司馬商碑銘擬

欽定四庫全書

房山府志卷十

於其倫公之謂矣

本傳陳武帝鎮京口深相要結乃詰武帝以英雄自許帝奇之

為左

衛

本傳作右衛

將軍尋遷鎮軍

本傳作領軍

丹陽尹

通考凡前代帝王所都皆

曰尹注南朝曰丹陽尹

北軍中候總政六師河南京尹冠冕百郡

後漢百官志北軍中候一人掌兼五營河南尹一人主京都特奉朝請尚書奏誓王乃大巡六師晉起居注武帝咸寧三年詔曰河南百郡之首其風教宜為遐邇所模以導齊之文武是寄公無愧焉

瀟湘之役憑陵島嶼風船火艦周瑜有赤壁之兵

見哀江南

賦益舳櫓艦賀齊有橫江之戰

吳志賀齊拜安東將軍出鎮江上魏曹休來伐

齊所乘船青蓋絳檐艤衛關艦之屬望之若山

仍為平南將軍開府儀同三司

都督湘衡桂武四州刺史

隋書荊州長沙郡注舊置湘州澧陽郡崇義縣注後周置

衡州揚州始安郡注梁置桂州荊州武陵郡注梁置武

遂得左廣迴局

左傳晉人或以廣隊

不能進楚人基之脫局

鱗車反暢

詩秦風小戎曰文茵暢轂注兵車曰暢轂

長沙楚鐵

更入兵欄

秦本紀昭王曰吾聞楚之鐵劍利而侶優拙詳從駕

洞浦藏犀還輸甲

庫

見報寄洛州及秋夜

雖復戎車屢凱軍幕猶張淮南望廷尉之

囚

見二卷

合肥稱將軍之寇

樹屏曰按魏志孫權征合肥為魏將張遼所襲凌統等以

死托權得去遼問吳降人向有紫髯將軍是誰曰孫會稽舉軍歎恨

莫不失穴驚巢沉水

陷火

本傳湘州刺史華皎陰有異志詔授明徹都督湘州刺史討皎皎平

為使持節侍中

司空車騎大將軍都督南北兗青譙五州諸軍事南兗

州刺史南平郡開國公

通考北齊司州曰牧而北齊制州為上中下三等每等有上

中下之差自上上州至下下州凡九等隋雍州置牧餘州並置刺史亦同北齊九等之制總管刺史加使持節宋州郡志南兗州刺史中原亂北州流民多南渡晉成帝立南兗州寄治京口元嘉二十八年南兗州徙治盱眙兗州刺史武帝平河南治滑臺元嘉中治鄒山又寄治彭城宋未失淮北僑立兗州寄治淮陰晉地理志元帝渡江於廣陵僑置青州至是始置北青州鎮東陽城以僑立州為南青州隋書揚州江都郡盱眙縣注舊魏置盱眙郡陳置北譙州尋省清流縣注舊曰頓丘置新昌郡及南譙州晉地理志武帝平吳分南郡為南平郡

食邑八千戶鼓吹一部中台在玄武之宮

天官書北宮玄武危東六



星曰  
司空  
上將列文昌之宿  
見齊王憲碑  
高蟬臨鬢  
見賀婁碑  
吟鷺

陪軒

白鹵簿令記里白鷺驚旗等車並駕四馬

平陽之邑

萬家

漢曹參傳賜參爵列侯食邑平陽萬六百三十戶

臨菑之馬千

四論語齊景公有

馬千

坐則王案推食

見紀干弘碑

行則中分麾下

見長孫儉碑

生

平若此功業是焉

本傳太建五年朝議北征明徹決策請行詔加侍中都督征討諸軍事緣

江城鎮相續降款軍至秦郡齊大將軍尉破胡將兵為援破走之秦郡降進克仁州進位南平郡公進逼壽陽齊遣王琳拒守明徹乘夜攻之宵潰齊兵退據相國城及金城明徹又遇肥水灌城擒王琳等送建業詔以為車騎大將軍豫州刺史遣謁者蕭淳就壽陽授策六年自壽陽入朝與駕幸其第賜鐘磬一部七年進攻彭城

軍至呂梁又大破齊軍八年進位司空給  
大都督鐵鉞龍麾尋授都督南兗州刺史既而金精氣

壯師出有名石鼓聲高兵交可遠見袁江南賦故得艦舳所

臨蓋於淮泗

見宗廟歌

旌旗所襲奄有龜蒙魏將已奔猶書

馬陵之樹齊師其遁空望平陰之烏

見齊王憲碑

俄而南仲

出車方叔戾止暢轂文茵鉤膺絳革語見詩遂以天道在

北南風不競

見袁江南賦

昔者裨將失律衛將軍於是待罪

漢衛青傳蘇建盡亡其軍自歸青遂囚建行在所

中軍爭濟荀桓子於馬受戮

左傳邲之戰桓子鼓於軍中曰先濟者有賞中軍下軍爭舟舟中之指可掬也心之憂矣何以

事君

本傳太建九年詔明徹北征軍至呂梁周徐州總管梁士彥率衆拒戰明徹頻破之仍進清水以灌

其城

周遣上大將軍王軌救之軌輕行自清水入灌口

橫流

豎水以鐵鎖貫車軸過斷船路諸將議欲破堰拔

軍以

舫載馬馬明成裴子烈曰君若決堰下船船必傾

倒豈

可得乎不如前遣馬出適會明徹苦背疾甚篤知

事不

濟遂從之乃遣蕭摩訶帥馬軍數千前還明徹仍

自決

其堰乘水力以退軍及至清口水力微舟艦並不

得度

衆軍皆潰明

徹窮

蹙乃就執

宣政元年屆於東都之亭有詔釋其

鸞鑣

後漢與服志皮軒鸞旗皆大夫戴爾雅注鑣馬勒旁鐵也魏志鄧艾傳詔書檻車徵艾

蜀其

釁社

史記魯世家破殷入商宮已殺紂周公把大鉞召公把小鉞以夾武王釁社

始弘就館

之禮

蘭相如傳秦王辭謝而使相如就館

即授登壇之策

見為問拜持節將軍表

大將軍懷德郡開國公

隋書梁州巴東郡武寧縣注後周置南州南都郡後改郡曰懷

德

邑二千戶歸平津之館時聞櫪馬之嘶

見哀江南傷心二賦

舍

廣城之傳裁見諸侯之客

左思魏都賦廣城之傳無以倚簡相如傳秦王舍相如廣

城傳舍左傳齊侯疥遂痞期而不瘳諸侯之賓問疾者多在

廉頗眷戀寧聞更用之

期

廉頗傳頗一為楚將無功曰我思用趙人

李廣盤桓無復前驅之望灞陵

醉尉侵辱可知

見哀江南賦

東陵故侯生平已矣

見酬左正員

大

象二年七月二十八日氣疾增暴奄然賓館春秋七十

七即以其年八月十九日寄瘞於京兆萬年縣之東郊

詔贈某官某諡禮也江東八千子弟從項籍而不歸

見哀

江南賦

海島五百軍人為田橫而俱死焉

漢書田橫懼誅與其徒五百餘

人入海居島中橫乘傳詣洛陽自刎二客穿其塚旁皆自刎五百人在海中聞橫死亦皆自殺

嗚呼哀

哉毛修之埋於塞表流落不存

南史宋桂陽公義真敗毛修之為赫連勃勃所

擒及赫連滅入魏

陸平原敗於河橋死生慚恨

見哀江南賦

返公孫

之柩方且未期

左傳楚子西伐吳陳侯使公孫貞子弔焉及良而卒以尸將事

歸連尹

之尸竟知何日

見辛威碑

遊魂羈旅足傷溫序之心

見哀江南賦

玄夜思歸終有蘇韶之夢

魏劉楨詩遺思在玄夜王隱晉書蘇韶字孝先安平人也

仕至中年令伯父承為南中郎軍師而亡諸子迎喪還  
到襄城第九子節夜夢見鹵簿行列甚蕭見詔使呼節  
曰卿犯鹵簿罪應髡刑節俯受剃如是夢者五夕髮為  
之盡後晝日詔自外入謂節曰十日便速改葬在軍師  
墓次買數畝  
地便足矣  
遂使廣平之里永滯冤魂汝南之亭長聞

夜哭

未詳本傳以憂遘疾卒於長安後故吏盜其柩  
歸至德元年詔追封鄧陵侯以其息慧覺嗣

鳴

呼哀哉乃為銘曰

九河宅土三江貢職

禹貢九河既道是降丘宅土  
又三江既入厥貢惟金三品彼美

中邦

詩彼美  
人兮

君之封殖

見將  
命

負才矜智乘危恃力浮磬

戢鱗

任昉宣德皇后命在昔晦  
明隱鱗戢翼詳祀青帝

孤桐垂翼

見擬咏懷  
及鄭常碑五

兵早竭一鼓前衰

龍魚河圖云蚩尤造五兵左傳曹

移

營減竈

見賀婁慈碑

空幕禽飛

左傳楚子元伐鄭諸侯救鄭楚師夜遁鄭人將奔桐丘謀

告曰楚幕有鳥乃止

羊皮詎贖

史記百里奚亡走宛楚鄙人執之秦繆公聞奚賢乃使人請以五段

羊之皮贖之

畫馬何追

左傳宋人以又馬百駟贖華元於鄭城者謳之元使駟乘謂之曰牛則有

皮犀兕尚多棄甲則那王肅曰文馬畫馬也

荀醬永去

見辛威碑

隨會無歸

左傳隨會

在秦乃使魏壽餘偽以魏叛者以誘士會使夜逸請自歸於秦秦伯許之履士會之足於朝既濟魏人譟而還

存沒俄頃光陰愴悽岳裂中台星空上將

見齊王憲碑

眷言

妻子悠然亭障

見賀婁慈碑

魂成可招

楚辭宋玉憫哀屈原忠而斥棄故作招魂

喪何可望

越世家陶朱公曰吾日夜固以望其喪之來也

壯志沉淪雄圖埋沒

西隴足抵黃塵碎骨何處池臺

見袁江南賦

誰家風月

見思舊銘

墳塋羈遠營魂流寓霸岸無封

見連珠傷心賦

平陵不樹壯士

之隴將軍之墓何代何年還成武庫

見思舊銘

### 周大將軍幽國公廣墓誌銘

公諱廣字乾歸邵惠公之元孫

本傳邵惠公顯太祖之長兄

幽孝公

之長子

本傳幽孝公導五子廣亮翼椿衆

若本拂日

見馬射賦

長蛇

疑作虹

委

天

見宗廟歌

龍圖幕河之光

見馬射賦

神鼎連雲之氣

見五張寺碑

六



辯構字

帝王世紀伏義始分六書

五運徵祥

見象戲賦

是以維嶽降神

見

干弘碑

自天生德

論語天生德於子

凝脂點漆

晉杜又傳又字弘理王羲之見而目

之曰面如凝脂眼如點漆此神仙中人也

日角珠庭

晉書載記慕容德額有日角偃月重文洛書黑

帝子湯長八尺一寸珠庭

為子則名高五都

未詳

為臣則光照千里

見齊

王憲碑

華蓋中天之峯未階其峻

見謝滕王啓

虞泉浴日之水

不盡其源

淮南子曰薄於虞淵是謂黃昏

歲在瑠

疑作鳩

車年方竹馬

見司

馬商銘

月內桂樹童子知言

見象戲賦

石上木生懸思即悟

未詳

小傳廣少方嚴好文學

年十一孝公薨薨在疚

見崇傳

孺慕過禮

欽定四庫全書

檀弓有子與子游立有孺子慕者

泉驚孝水

見溫湯碑

竹動寒林

見齊王憲碑

三

行克宣

漢官儀光祿舉敦厚質樸遜讓節儉此為四行

八翼斯舉

見司馬商碑

大周

建國宗子維城

見宮調曲

設壇封人

見祀國丘

分司典命

見為閭將軍表

開國天水郡

本傳初封永昌郡公孝閔帝踐阼改封天水郡公晉地理志天水郡漢武置孝明改

為漢陽晉後為天水

食邑二千戶元年

本傳作世宗即位

授使持節驃騎

大將軍開府儀同三司其年四月授都督秦州刺史孝

公久牧汧隴遺愛在人

見步陸逞碑周幽孝公導傳導為隴右大都督秦南等十五州

諸軍事秦州刺史及薨朝議欲令世鎮隴右以彰厥德乃塋於上邽城西華戎會葬悲號滿野其遺愛見思如

此今茲見撫我君之子孟子謳歌者不謳歌益而豈獨

司隸之臺鮑宣累葉

見柳霞銘

丞相之府韋賢重代

見步陸暹碑

二年拜大將軍方衛青之張幕冊重元勲

見哀南賦

譬韓

信之登壇榮高獨拜

見為閭將軍表

武成元年遷都督興梁等

十九州諸軍事梁州刺史

隋書梁州順政郡注後魏置東益州梁為武興蕃王國西

魏改為興州

岫冢導漾乃濟漢之東流

見司馬商碑

蔡蒙旅平實

華陽之西極

禹貢華陽黑水惟梁州岷峽既藝沱潛既道蔡蒙旅平

其年九月改

封蔡國公食邑萬戶地接韓城關臨楚障戶封八縣恩

深寇恂之功

後漢寇恂傳恂同產兄弟及兄子姊子以軍功封列侯者八人

邑啓萬家

事極曹參之賞

見吳明徹銘

保定元年授小司寇狂戶苔生

詩宜狎宜獄詳鄭常銘

囚闕籥動

王充論衡教令將至繫室籥動獄人將出

載酒屬車

幸無冤氣

見馬射賦

慮囚軍府或聽鳴琴

見袁江南賦

二年轉守

蒲城都督潼關等六防諸軍事

隋書雍州馮翊郡蒲城縣注舊置南北二白水

西魏改為蒲城置白水郡

其年閏月遷都督秦渭等十二州諸軍事

秦州刺史公亟牧冀城

隋書雍州天水郡冀城縣注後周曰冀城縣

頻藩隴

抵豪傑斂手

見滕王序

貪殘解印

見步陸逞碑

加上谷精兵漁

陽鼓譟

鼓梁傳公會齊侯於夾谷齊人鼓譟而起欲以執魯居詳燕歌

北臨高柳

見辛威碑

南望長榆

見軍行

匈奴下馬之山

見齊王憲碑

貴相藏酒之谷

見燕歌

莫不遠慕威聲遙承風化

北史本傳廣性明察善撫綏人庶畏悅之

三

年奉詔向甘州迎皇后

本傳不載

有文書手仲子之歸

左傳仲子

生而有文在其手曰為魯夫人

紀裂繻來卿為君逆

見辛威碑

自非名高絕

國

漢武帝紀詔曰其令州縣察吏民有茂才異等可為將相及使絕國者

威被和鄰豈得

稱族而行尊君之命

見辛威碑

四年授柱國大將軍昭陽以

功高見用

見長孫儉碑

項梁以名將當官

漢項籍傳梁父即楚名將項燕者也

秦二年廣陵人召平為陳勝狗廣陵乃矯陳王令拜梁為楚上柱國以今方之彼有慙德

天和三年授都督陝虞等八州廿防諸軍事

周書明帝紀二年正

月於弘農置陝州按紀厲王康傳有二防達奚武傳有三防于翼傳有五防十六防幽國公廣傳有六防李賢傳有七防侯莫陳瓊傳有八防達奚震傳有九防十一防代襲王達傳有十防尉遲綱傳有十三防李達傳有二十一防等諸軍事廿字疑有誤

渭曰周武帝紀

陝

建德六年六月於甘松防置芳州廿下疑脫松字

見贈淮南公

王官羈馬非

州刺史屈產垂棘既有滅虢之兵

左傳晉侯使呂相絕秦曰俘我王宮翦我羈馬

公以正正鼓旗

見段

無絕秦之路

詩君子之車既庶且多

服叛威邊算無遺

碑

閑閑車軌

詩君子之車既庶且多

服叛威邊算無遺

策但以中外久勞積斯災疾山州則並走羣望

左傳韓宣子私

於子產曰寡君寢疾於今三月矣並走羣望有加而無瘳

賓客則諸侯在門

見吳明徹銘

是以請謁承明

魏曹植詩謁帝承明廬逝將歸舊疆

言歸湯沐

禮記王制湯沐之邑

方詢夏郊之祀

見齊王憲碑

或辨桑林之崇

見湯讚北史本傳後除陝州總

管以更除秦州刺史

本傳不載

仍襲父爵幽國公分流之嶺

未登

見哀江南賦

晚塞之城空望

未詳北史本傳及孝公追封幽國公詔廣襲爵

太

夫人以公羸瘠悲泣相守胸氣交衝

後漢班超傳超素有胸脅疾既至病

遂奄捐館舍

見請襲封表

公頓伏苦寢

見為杞公表

水漿不入

檀弓

曾子謂子思曰：「父吾執親之喪也，水漿不入於口者七日。」雖王人勸奪，漢翟方進傳：司隸校尉涓

勲奏言：「春秋之義，王人微者序乎諸侯之上，尊王命也。」禮記雜記：「君子不奪人之喪，亦不可奪喪也。」創鉅

愈增。禮記三年問：創鉅者其日久，痛甚者其愈遲。三年者稱情而立文，所以為至痛極也。母死於

子子死於親，慈孝之道一朝總集。晉卞壺傳：壺與蘇峻苦戰死之二子，眇眇

同時見殺，徵士翟湯嘆曰：「父死於君，子死於父，忠孝之道萃於一門。」大漸之辰，見謝滕王啓春

秋二十有九，四闕罷市。文選：鮑昭樂府註：洛陽有四闕，東為成臯，南伊闕，北孟津，西函

谷也詳三軍行哭。見段言尋聽訟，猶見寒棠。見五張還

顧空營，惟餘衰柳。見馬諡贈某官禮也。六年六月，歸葬。

射賦



於秦州之某原玄甲啓路追軫驃騎之功見司馬商碑龍旗

贈行深悼東平之遠

見長孫儉碑北史本傳初廣母李氏以患憂而成疾遂沒廣居喪加

篤乃以毀薨世稱母為廣病廣為母亡慈孝之道極於一門武帝素服親臨於是贈本官加太保隴右十四州

諸軍事秦州刺史諡曰文葬於隴右所司一遵儉約之典子洽嗣公直諒惟忠見蕭太溫

恭惟孝

詩溫溫恭人

居之仁義

孟子居仁由義

飾以禮樂

論語文之以禮樂

風神機警聰叡精明有仞於宮牆無形於喜愠

見酬薛文學

金版玉策之記枕籍忘疲

莊子縱橫則以金版注太公謀術謀國政事後漢光武紀

講論經理夜分乃寐曰我自蘭葉芝花之圖膏映必舉

樂此不為疲也詳玉帳山銘

廣開府集卷注

甲

河圖云舜與三公臨河觀黃龍五采負圖以紫芝為渥章曰天黃符璽詳宮調曲

碣石秋雲

見謝

滕王啓

昭陽落月

見宗廟歌

思風含臆言泉流吻

見上趙王

翩翩書

記則阮瑀陳琳

魏志阮瑀字元瑜文帝與吳質書曰元瑜書及檄草成呈太祖太祖先苦頭風是日疾發卧讀琳所作翕然而起曰此愈我病

王濛謝尚晉王濛傳帝常與孫綽商畧諸風流人語其

百發弓絕於猿吟論其百中劔

綽曰王濛溫潤恬和謝尚清易今達

淡於雁陣見馬射賦枚

乘之望梁苑不憚棄官

見謝綽王啓

樂毅之求燕路無辭千

里

見崔碑

至如應變將畧雷電立成

漢書叙傳驃騎冠軍裁勇紛紜長驅六舉

電擊雷震惟帳謀猷孫吳闇合  
晉山濤傳濤與盧欽論用兵之時咸以濤不學孫吳而

之合有品藻人倫之志  
後漢許劭傳少峻名節好人倫多所賞識  
有清平天

下之心後漢范滂傳登車攬轡慨然有澄清天下之志  
鵬路忽摧見贈淮南公  
龍津

遂壘見小賦  
嗚呼哀哉太宰早茂三荆見別庚七  
長辭萬始未詳

按周易大哉乾元萬物資始陸機於承明作與士龍詩分塗長林側揮袂萬始亭  
撫養遺孤魏志

崔琰友人公孫方宋階早死琰撫其遺孤恩若已子  
連枝同氣文選蘇武詩云况我連枝樹與子同

身馬援之誠兄子義存謹飭  
後漢馬援傳援兄子嚴敦並喜譏議而通輕俠客援

在交趾還  
王況之事世疑作  
叔情深愛敬見永畫屏風  
同德

書戒之

比義此之謂乎

同郤惠公傳父德皇帝與衛可狝戰於武川南河臨陣隊馬顓奔救德皇帝乃

得上馬引去俄而賊追騎大至顓遂戰沒保定初追贈大冢宰顓三子什肥導護本傳時晉公護諸子及廣弟杞國公亮等服玩侈靡踰越制度廣獨卒由禮則又廣以護久擅威權勸令挹損護不能納乃為銘

曰

御乾從紀乘離作聖白環讓德

見微調曲

玄圭受命

見馬射賦

平

一地紐

見宗廟歌

增輝天鏡

溫子昇集大覺寺碑云主上乃據地圖攬天鏡

旁蔭數

國

見楊柳歌

前臨七政

見哀江南賦

地屬先登

見齊王憲碑

時逢下武

見馬射賦

玉璜撥亂

尚書中候呂尚答文王曰望忽釣得玉璜刻曰姬受命呂佐儉

金滕光

輔尚書王有疾弗豫周公請衛晉承家邢茅昨王見蕭

及二波分建木見馬射賦派流玄扈見賀新樂表景命寅序見祀

徽猷淵塞詩秉心塞淵忠有令圖孝為全德山節涖政

見北桓圭守國見為閭將軍表瀚海將臨見辛威碑燕山行勤見出自

北平樂高宴魏曹植詩歸來宴金華說經見蕭太論儒壁

水桓譚新論王者作圓池如璧形觀禮明庭見徵調曲相風

待賦晉張華相風賦序太史承露須銘藝文類聚魏明帝鑄承露盤使

陳王植為頌銘乘舟向月見擬咏懷策馬隨星見長孫德舉克明詩其

德克明

能賢允淑上將受脤

見宗廟歌

元戎推轂

見酬薛文學

趙失

東漁

田完世家齊威王曰盼子守高唐趙人不敢東漁於河

胡亡南牧

見鄭常碑

箭下

聊城

見燕歌

泥封函谷

見答趙王啓

衮衣頻露

見崇傳

丹帷亟卷

趙王

約法情推

後漢卓茂傳茂笑曰律設大法禮順人情詳段永碑

繁辭理遣

孔叢

子孔子曰君子以理為尚博而不要非所察也繁辭

盜

烏懸察

漢書王霸為潁川太守吏不敢舍郵亭食於道旁烏搜其肉霸迎勞曰甚苦食於道烏盜其肉

更大驚不

疑蛇立辨

見卧疾

人共官園

東觀漢記詔有司京師果園悉以假

貧家同野蘭

見鄭常銘

籥雲推景

漢禮樂志籥浮雲蘇林曰籥音躡言天馬上躡浮雲

也轉風落仞

宋王拾魂光風轉蕙泥崇蘭

星裂中台

見傷王司徒

山傾左

鎮

見豆盧永恩碑

夏楹舍爵殷階啓殯

見司馬裔碑

終幕躡行

檀弓布幕

衛也終幕魯也詳慕容寧碑

明旂

疑作旌

庭引

檀弓銘明旌也以死者為不可別已故以其旗

識之

秦川直望隴水分飛

見哀江南賦

山河滿目

晉王導傳過江人士出新

亭飲宴周顗中坐而歎曰風景不殊舉目有江山之異皆相視流涕

容衛靈歸陵圖石馬

見賀婁慈碑

車畫袞衣

未詳

小山搖落長林變衰

見枯樹傷心二賦悽

愴原隰

公羊傳上平曰原下平曰隰

荒涼宅兆

見為祀公表

樹密人稀山

多路小十里松城千年華表

見步虛詞

夜臺猶寂

陸機挽歌送子長夜

臺

窮泉無曉

潘岳哀永逝文裴窮泉兮  
朽壤又夜何時兮復曉

周驃騎大將軍開府侯莫陳道生墓誌銘

北史周書俱無

傳世系莫考按周侯莫陳崇傳云崇代郡武川人其先魏之別部居庫斛真水五世祖曰大骨都侯其後世為渠帥祖允以良家子鎮武川因家焉父興殿中將軍羽林監兄順別有傳道生豈其雁行耶

君諱道生字某朔州武川人也本系陰山出自國族降

及於魏在秦作劉

左傳士會還晉秦人歸其帑其處者為劉氏漢高帝紀贊漢帝本系出自

唐帝降及於周在秦作劉父少興武川鎮將山河抗拒關塞被邊早



擅威聲咸多雄烈君讀書馬上

見崇傳

清談劒端

見哀江南賦

獨運六奇

漢書陳平凡六出奇計

專精三畧

後漢袁紹傳注黃石公三畧

雖復

身居末將

見鄭偉銘

而勇冠旌門

見馬射賦

位在支軍

後漢袁紹傳沮授說

紹曰可遣蔣奇別為支軍於表以絕曹操之鈔

而謀叅幕府

見哀江南賦

魏正光五

年任統軍

通考統軍驃騎車騎將軍府八命州長隸天

柱公朱榮征北海王

魏公朱榮傳建義初北海王元顥南奔梁梁立為魏主資以兵將顥

乘虛徑進榮陽武牢俱不守榮與顥相持於河上令都督公朱兆等率精騎夜濟顥奔詔加榮天柱大將軍

永安三年隨太師賀拔勝入關

見崔碑

尋轉別將滑源卷

甲見哀江

關城東馬

見齊王憲碑周賀拔勝傳齊神武懷貳公朱氏將討之度律自洛陽

兆起并州仲達從滑臺三帥會於鄴東時勝從度律度律與兆不平勝與斛斯椿詣兆營和解之反為兆所執尋得免韓陵之戰降碑並皆克捷君有力焉永熙三年補於齊神武詳崔說碑

都督太祖文皇帝奄有關河令行天下見宗廟歌以君幹畧

委之爪牙

詩圻父子王之爪牙

名洽中涓

見為問將軍表

功叅上佐兵臨

河曲前登白馬之津

周太祖紀魏永熙三年賀拔岳與侯莫陳悅討曹泥至於河曲為悅

所害太祖討悅傳檄方鎮曰清水公賀拔岳勲德隆重高歡乃與侯莫陳悅陰圖陷害歡知逆狀已露遣侯景

等云向

寇登蒲城先戰黃沙之苑

見乾干弘碑

臨晉橫船既

擒趙將

見哀江南賦

馬陵削樹復下齊兵

見齊王憲碑

班瑞司勳

舜典班瑞于羣后詳為閭將軍表

披圖疏爵

漢英布傳滕公曰上裂地而封之疏爵而貴之授

驃騎大將軍金紫光祿大夫鄆縣開國公

隋書雍州京兆郡領鄆縣

食邑五百戶趙儼之為驃騎止駕單車

魏志趙儼傳儼遷征西將軍都

督雍涼正始四年徵為驃騎將軍注魏畧曰舊故四張征有官厨財籍遷轉之際無不因緣而儼又手下車

湛之拜光祿長乘白馬

後漢張湛傳湛拜光祿勳常乘白馬帝每見湛輒曰白馬生且

復諫

以斯連類朝野榮之大統九年更姓侯莫陳氏隋

大將軍拓跋

疑作賀跋

遠經始

疑作洛

陽

周太祖紀魏大統九年春東魏北豫州刺

欽定四庫全書

史高仲容舉州來附太祖率師迎之令開府李遠為前  
軍至洛陽三月齊神武至河北太祖夜登邱山擊之齊  
神武單騎為賀拔  
勝所逐僅而獲免  
二水長鬪見應三川無市後漢郡國志河南尹

秦三川郡世祖都  
雒陽改詳鄭常銘  
掾甲遘病左傳文公躬掾甲冑死於轅門見進

表春秋五十一贈持節都督朔州刺史君在武川文皇

帝同鄉里見宗廟歌霸功既立文選謝朓和伏武昌登縣王

業克成不忘捨講儀同猶論償博漢游俠傳宣帝微

隨博奕數負進及即位賜遂璽書曰制  
詔太原太守官尊祿厚可以償博進矣  
今嗣德惟新見

調曲及  
功臣追遠見司馬東都馬鳴不無見日之歎見

崇傳奇碑

心賦北陵車過終憶平生之言見長孫有詔更贈使持節

驃騎大將軍開府儀同三司都督宜敷絳三州諸軍事

隋書絳郡注後魏置東敷州刺史諡某公禮也夫人拓

跋氏安邑郡夫人魏地形志河北郡領縣四庭有鐘鼓

見哀江南賦家承箴誡教容教德見宗廟歌言告言歸詩言告師氏言告歸

歸又言澣言天和五年六月薨即以其年十月同葬於

京兆某縣洪源鄉武子成寢請西階而合塋見步陸平

陽下嫁即廬山而共墳見崇傳銘曰

欽定四庫全書

廣開府集箋註

四六

凝陰遠寂

蔡琰悲憤詩陰氣上兮雪夏零

廣莫平寒

易通卦驗冬至廣莫風至穆天子傳

大戎獻食馬四六天子使孔牙受之曰雷水之平寒

沙窮瀚海

見辛威碑

地盡臯蘭

擬

懷塞鴻秋去

宋鮑昭詩霜歌落塞鴻

胡桑夜乾

見燕歌

風土壯氣

賀

婁慈碑

山河凜然師旅上谷威雄武川君則繼踵代不乏

賢匣有忠劍

見崇傳

庭流孝泉

見溫湯碑

魏室多故餘風未殄

天保讓德

見二卷及宮調曲

當塗廢典

見齊王憲碑

上將指蹤

漢書上曰

諸君徒能走得獸耳功狗也蕭何發縱指示功人也

中涓力展

見為問將軍表

洛城夜捷

河梁朝翦

左傳成公二年齊侯曰余姑翦滅此而朝食按河梁河橋也見紇干弘碑

鐵劍金

龜

見賀妻慈碑  
吳明徹銘

榮追王鉉

周易鼎  
王鉉

身胄漢祚門承魏緒

並擅華宗

魏曹植平原懿公主誄  
配國君子華宗貴族

俱稱當路

孟子公孫  
丑曰夫子

當路伉儷云匹

見崇

年齡並故趙瑟秦聲

見贈淮  
南公

同為

丘墓小陵石柳

禮記桓司馬  
自為石柳

洪原鄉土芻靈兩引

見統  
干弘

碑

池柳雙前

見步陸  
遲碑

隊路仍合

左傳晉文公請隊注闕  
地通路曰隊王之墓禮

也諸侯皆  
懸柩而下

松城即連霜垂柳白

古樂府古墓犁為田松  
栢摧為薪白楊多悲風

蕭蕭愁  
殺人

月逐墳圓

見段  
永碑

芝蘭幾代

見鄭  
常銘

陸谷何年

見司  
馬喬

碑

欽定四庫全書

廣閒府集箋註  
卷十

四

周車騎大將軍贈小司空宇文顯和墓誌銘

公諱顯和字某上黨武鄉人也自大霧浮河

古今注黃帝與蚩尤

戰於涿鹿之野蚩尤作大霧

長虹映渚承源於若水

見宗廟歌

纂系於蒼

林

見鄭常碑

上黨居衛之西

正義韓上黨也從太行山西北澤潞等州是也

常山在

代之北

漢陳稀傳上曰代居常山北

因地為氏

見宗廟歌

可畧而言焉

本傳

顯和文帝之族子

祖求南

本傳作求男

衛將軍冀州刺史父金殿鎮

遠將軍

通考鎮遠將軍後魏正四品後周正六命

兗州刺史並控鶴兵

見馬射賦

俱張戎樂

未詳

聲榮之盛繼踵當年

見崇傳

公稟山岳之靈



見紀千檀風雲之氣漢書叙傳容止矜莊聲名籍甚見崇

傳彎弧挽彊左右馳射故得名高上谷

漢李廣傳廣為土谷太守數與

匈奴戰又為人長爰臂其善射亦天性雖子孫他人學者莫能及

威震樓煩

漢項籍傳漢有善騎

射曰樓煩羽瞋目叱之樓煩目不能視手不能發走還入壁不敢復出本傳顯和彎弓數百斤

襲爵安

吉疑作

縣侯

隋書梁州西城郡金川縣注梁初曰上康後曰吉陽西魏改曰吉安後周以西城入

馬按晉地理志吳興郡領安吉縣恐非

食邑五百戶永興三年幽并叛換

見紀千弘碑

有無君之心

本傳齊神武專政帝每不自安

帝顧謂公曰天下

洵洵將若之何

漢高祖紀上謂何曰天下匈匈勞苦數歲成敗未可知

公曰擇善

而從之

見論語

乃誦詩曰彼美人兮西方之人兮帝曰是

吾心也乃定入關之策以公母老家大令預為計公曰

今日之事忠孝不並君不密則失臣臣不密則失身帝

愴然改容曰卿是我王陵

漢王陵傳項羽取陵母置軍中欲以招陵陵母私送使者

泣曰漢王長者母以老妾故持二心妾以死送使者遂伏劍而死

遷朱衣直閣內大都

督改封長廣縣公

隋書百官志直閣屬官有朱衣直閣直閣將軍直寢直齋直後之屬地理

志青州東萊郡膠水縣注舊曰長廣

邑一千五百戶武帝初至潼關太祖

親迎溱水太祖素知公名而未之識也目於衆疑而不

問直云今此人射水傍小鳥應手即著太祖喜云我知

卿名矣即用為帳內都督滄州諸軍事滄州刺史

魏地志

滄州注熙平二年分瀛冀二州置治饒安城

增邑并前二千五百戶黃公衡

之決事魏后是以傾心

蜀志黃權字公衡魏文帝察權有局量欲試驚之遣左右詔權

累催相屬馬使奔馳權舉止顏色自若後領益州刺史

潘承明之忠壯吳王為之

降禮

江表傳潘濬字承明權克荊州將吏悉歸附濬獨稱疾不見以牀就家與政之濬涕泣交橫權慰勞

與語即以為治中

異代同榮見之今日東夏邊隅

左傳鄭公孫儁對晉曰聞

君將靖東夏

地連荒服

國語祭公謀父曰戎翟荒服

井陘道塞飛狐路斷

欽定四庫全書

廣雅釋義

卷十

漢韓信傳李左車說成安君曰今井陘乃以公為使持

節衛將軍都督東夏州諸軍事東夏州刺史周太祖紀

年改東夏魏廢帝三為延州白波青犢之兵見鄭常統銅馬金繩之亂金

未詳後漢光武紀銅馬賊莫不交臂屈膝漢司馬相如

交臂受事牽羊抱馬左傳楚子伐鄭鄭伯肉屈膝請和袒牽羊以迎詳徵調曲在州遘疾

解任還朝小馬留廐漢游俠傳公府掾史率餘牀挂壁

魏畧裴潛為兖州刺史嘗作吏人攀慕見答刊石陘山

一胡牀及其去也留以挂柱教雖非漢陽之城見齊王還似扶風之路晉書扶風王駿

憲碑

西土為樹碑長

老見碑無不下科

授使持節車騎大將軍開府儀同三司加散

騎常侍以魏後元年疾甚亡於同州春秋五十七天子

輟樂

禮記喪大記疾病外內皆掃君大夫徹縣

羣公曾喪

見鄭偉銘

太祖親臨弔

祭哀動左右於時兵革交侵普斷贈諡即以本官印綬

權塋於同州之北山今建德二年二月二十三日遷塋

於咸陽長安縣之洪瀆原時逢禮樂之遷

漢賈誼傳誼以為漢興二

十餘年天下洽和宜當興禮樂文帝謙讓未遑也

代屬謳歌之變

見幽國公廣銘

國雖

異政人足追榮乃贈使持節驃騎大將軍開府儀同三

司小司空

周禮冬官冬小司空之職

丹延綏三州諸軍事延州刺史

諡某公禮也夫人高氏渤海人也

魏地形志青州渤海郡注故臨淄地劉駿

置魏因之

柔參晉政拒曹爽之異謀

魏志司馬宣王奏免曹爽皇太后詔高柔假節

行大將軍

起在漢庭共王陵而俱對

漢高帝紀高起王陵對曰陛下使人

據爽營

攻城畧地所降下者因以與之與天下

況乎箴訓有儀

見侯莫陳道生銘

言容以德

見宗廟歌

肅恭中饋賢才內則

見步陸逞段永

二豈直不聽雜樂以變齊國之風

列女傳齊桓公好淫樂衛姬不聽鄭衛之

音

不食鮮禽以斷荆王之獵

列女傳楚王好田樊姬為不食禽獸之內

昔之

合葬季武子之兩寢

見步陸  
遲碑

今之同穴長平侯之北陵

見遇獵  
及崇傳

世子神舉兄弟至性純孝

左傳君子曰顯  
考叔純孝也

善居

喪禮

禮記雜記少連大連善居喪三日不怠三  
月不解菰悲哀三年憂東夷之子也

有終有始

見司馬  
商碑

於身無改

見賀平  
鄴表

是以宦成名立孝顯忠貞

本傳

神舉歷位至柱國大將軍封東平郡公任兼文武聲彰  
中外弟神慶武藝絕倫大象末位至柱國汝南郡公

銘曰

北岳二

疑作  
五

名

括地志北岳有五別名蘭臺府  
列女宮華陽臺紫臺太乙宮

葱河兩

本

漢西域傳西則限以葱嶺其南山東出金城與漢南  
山屬焉其河有兩源一出葱嶺山一出于閼于閼在

南山下其河北流與蔥嶺河合東注蒲類海

其峻維極

詩崧高維嶽駿極于天

其源維

遠

管子下今於流水之源

俗稟山川人資台衮義烈桓桓才雄悃

悃乃祖乃父繼踵威雄擬金北陸

司馬相如子虛賦擬金鼓注金鼓鉦也

鳴玉南宮

國語王孫圉聘於晉定公享之趙簡子鳴玉以相詳咏畫屏風

隱若吳漢

見豆

虛永恩碑

賢哉竇融

見司馬裔碑

負疑作

霜懷德無雷向風

見段永碑

擬此含章

見齊王憲碑

生茲秉德

詩周頌秉文之德

孝實天性忠為

人則暢轂鏤膺

詩秦風小戎曰虎韞鏤膺注鏤膺鏤金以飾馬當胸帶也詳吳明徹銘

燕

南趙北

見慕容寧碑

弱水將通

見羽調曲

九部可勒

河圖括地象天有九部八



紀地有九  
州八柱  
帷幄叅謀  
見擬  
宮闈典職  
漢霍光傳出則奉

禁聞二十餘年小  
心謹慎未嘗有過  
善擇忠言能防變色  
漢金日磾傳何

箱上見日碑色變走趨卧內欲入行觸寶瑟僵  
日碑得抱何羅因傳曰莽何羅反得禽縛之  
繁弱已

勁  
見馬  
淇園乃直  
見步陸  
戟中小支禽  
玩作  
穿左翼  
見馬

射  
建旗赤谷  
見鄭常賀  
揮戈武川長城萬里  
見蕩  
河水

雙流  
見哀江  
潁川多恙  
劉根別傳潁川太守高府君到

除病氣  
淮水未瘳  
見傷王  
義重穿壁  
孔叢子郗成子自

之術  
宰穀臣止而觴之陳樂而不作酣畢而送以壁行三十  
里而聞衛亂竹右宰穀臣死之成子于是迎其妻子還

其壁闔宅而居之

恩深置郵

後漢循吏傳衛峴遷桂陽太守鑿山通道五百餘里列亭傳置郵驛

于是役省勞息

于谷之口于渭之丘陽

疑作

山零落

見蕭太

碑闕

低昂

見連珠

草銜秋火

見和何儀同

樹抱春霜

見宗廟歌

書劍俱沒

晉東晉傳汲郡冢中又得銅劍一

人琴並亡

世說王子猷子敬俱

病篤而子敬先亡于猷便索輿來奔喪取子敬琴彈

哀

哀嗣子純心靡託孝水未枯

見純干弘碑

悲松先落

見司馬商碑

室進巢鷺

魏志張珩傳正始元年戴鷺之鳥巢珩門告珩告門人曰夫戴鷺陽鳥而巢門陰此凶祥

也乃援琴歌咏作詩二篇旬日而卒

門通弔雀

見蕭太

功臣身殞會圖麟閣

見長孫  
儉碑

周譙國公夫人步陸孤氏墓誌銘

夫人諱某字某本姓陸吳郡人也大夫拓境百越來庭

見步陸

還碑

丞相勤兵三江席卷

吳志陸遜傳劉備從巫峽建平連圍至夷陵界立數

十屯遜通率諸軍攻備破其四十餘營備夜遁高祖載

為劉義真長史留鎮關中既沒赫連因即仕魏

見步陸還碑

臨終戒其子孫曰樂操土風不忘本也

左傳范文子曰楚囚君子也樂

操土風不忘本也詳二卷言念爾祖無違此心祖政驃騎大將軍儀

同三司恒州刺史

見步陸運碑

父通柱國大將軍大司馬文

安公

周禮大司馬之職屬夏官隋書冀州河間郡領文安縣

匡贊經綸叅謀揖讓

見宗廟歌

名高廣武

漢韓信傳信令曰有縛廣武君李左車至戲下者購千金信解其縛東鄉坐西

鄉對而師事之

功重長平

見遇獵周書本傳通入關文帝在夏州引為帳內督晝夜陪侍家人罕見

其面大統九年授驃騎大將軍開府儀同三司太僕卿賜姓步陸孤氏進爵綏德郡公建德元年轉大司馬其

年夫人七德含章

見齊王憲碑

四星連曜愛敬天情

見步陸運碑

言容典禮

見宗廟歌

九日登高作銘秋菊

魏文帝集與鍾繇九日送菊書云九

為陽數而日月並應俗嘉其名以為宜於長久故以享宴高會晉書武帝左貴嬪作菊花頌

三元告

始或誦春椒

見移文及正旦

年十有四娉於譙國及其琴瑟愈

恭節儉之心

詩窈窕淑女琴瑟友之序葛覃后妃之本也后妃在父母家躬儉節用服澣濯之衣

伐其條枚實秉憂勤之德

詩遵彼汝墳伐其條枚疏伐薪於汝水之側非婦人之事

以言君子賢者而處勤勞之職亦非其事

鄴地登高之錦自濯江波

鄴中記錦有大

登高小登高詳上趙王

平陽承桑之津躬勞蠶月

見五張寺碑及謝趙王啓

天

和元年冊拜譙國夫人東武亭之妻既稱有秩

魏志鍾繇傳繇

封東武亭侯明帝即位進封定陵侯謚曰成侯又繇子會集成侯命婦傳曰議者以為公侯有夫人有世婦有

妻有妾所謂外命婦也依春秋成風定姒之義宜崇典禮不得總稱妻名於是稱成侯名婦

南城侯

之婦還聞受封

見傷心賦

柱國殿下以名華分照

見馬射賦

增城

峻上

見遊仙

揚旌焚道

見司馬商碑

問政叩都

漢地理志越萬

白狼之溪途艱黃牛之坂

後漢冲嵩傳嵩為益州刺史其白狼槃木唐最叩焚人諸

國復舉種向化詳和泛江

荔枝之地險葡萄之國

華陽國志江州縣有荔枝園至

熱二千石常設厨膳命士大夫共會樹下食之漢西域傳贊云聞天馬蒲萄則通大宛安息本傳文帝十三子

後宮生熊孝王儉儉字侯幼突武成初封燕國公邑萬戶天和中拜大將軍尋遷柱國出為益州總管建德三

年進爵為王

夫人別離親戚關河重阻夷歌一曲未足消憂

見司馬商碑

猿鳴三聲沾衣無已

見和趙王

是以天厲之疾

見徵調曲

遂成沉痾

見哀江  
南賦

玉瀝難開金膏實遠

見賜  
酒

建德元年

七月九日薨於成都私第春秋二十有一即以其年十

一月二十二日歸塋長安之北原詔贈譙國夫人禮也

殿下傷神秋月

魏志荀釐妻亡不哭而傷神潘岳悼亡詩歲寒無與同朗月何朧朧

掩淚

長松

未詳按穆天子傳天子北升於大北之陞而降休於兩栢之下天子永念傷心乃思淑人盛姬於是

流涕又天子南還升於長松之陞注坂有長松

周季直之留書更深冥漠

未詳潘

安仁之嗣藻徒增哀怨

晉書潘岳字安仁其悼亡詩云長簾竟牀空

豈直西

河女子獨見銀臺東海婦人先逢金闕

未詳雲笈七籤仙人鍊入雲母

方是東海女子賣鹽與蒙山隱居遂求隱居  
得之決疑經銀宮金闕列仙攸館元祖所居  
銘曰

艾疑作

陵反旆

左傳令尹南棘反旆

椒山止戈

見角調曲椒山未詳或曰左傳吳伐

越敗之夫椒注杜預曰太湖中椒山是也

金精據嶺昌闔凌波

越絕書闔廬家在吳縣閭

門外名曰虎丘下池廣六十步水淡一丈五尺桐棺三重  
頤池六尺玉兔之流扁諸之劍三千方員之口三十  
槃郢魚腸之劍在焉卒十餘萬人治之取土臨湖塋之  
三日金精上騰為白虎蹲踞於上因名虎丘吳越春秋  
闔閭元年造築大城周迴四十七里  
立閭門者以象天門通閭闔風也  
西遊卿相東裂山

河華亭冠冕

吳志陸遜傳遜封華亭侯

穀水絃歌震維徙族燕垂從

宦

見慕容寧碑

塞入飛狐

晉地理志常山郡上曲陽縣注恒在縣西北有坂號飛狐口

關



連鳴雁

左傳成公十六年衛伐鄭鳴雁後漢郡國志今陳留有鳴雁亭

策預登阜功叅

臨澗寶鼎留銘

見慕容寧碑

雕戈餘贊

見傷王司徒

應圖淑令

曹植

洛神賦骨像應圖

秉禮言歸魚軒憑軾

見報趙王

澤雉文衣

莊子澤雉十步

一啄百步一飲周禮皇后六服注翟雉名畫雉於衣以為祭服

明月照鏡

見上趙王

仙石支

機

見哀江南賦

行雲細起

見燈賦

迴雪輕飛

見謝滕王啓

北降帝子

見司馬商碑

南麾蜀守

文選顧延之阮始平咏一麾乃出守

若水既開

疑作闕見司馬

商碑靈山已鏤

見賀妻慈碑

月峽猿啼

見枯樹賦及和趙王

江神牛鬪

風俗

通泰昭王使李水為蜀守開成都兩江江神歲取童女二人為婦水至神祠良久有兩蒼牛鬪於岸旁水還流

汗曰南向腰中正白者吾綬也  
主簿刺殺北面者江神遂死

星機北轉

見賀妻碑

日轡

西迴

見祀丘

陽泉伏氣

見即目

陰管沉灰

見滕王序

鶴辭吳市

見傷

鳳去秦臺

見春賦

神光離合

魏陳思王曹植洛神賦

作陰乍陽

燈

影徘徊

宋謝莊孝武宣貴妃誄重扇閨  
今燈已照中泉寂今此夜深

雙流反壘

見賀妻慈

碑

百兩迴旌

詩之子于歸  
百兩將之

少女離位

周易兄為少夫人  
女位乎東南

去城

見昭君辭

帷堂野設

禮記曾子曰尸未設飾故帷堂小  
欽而徹帷又奔喪所識於野張帷

帳殿郊營

見馬射賦

山川奇事

後漢郡國志序云漢書地理志記天下郡縣本末及山川

奇異風俗  
所由至矣

風月無情

見思舊銘

搖落丘隴

江淹恨賦琴瑟滅  
今丘隴平詳傷心

賦荒涼封域

禮記喪大記凡封用縛去碑負引注封墳作窆下棺也

樹樹秋聲山

山寒色草短逾平松長轉直節墳方同園陵永植

周趙國公夫人紇豆陵氏墓誌銘

夫人諱含生本姓竇扶風平陵人魏其朝議列侯則莫

能抗禮

漢竇嬰傳嬰封魏其侯每朝議大事列侯莫敢與抗禮

安豐奉圖功臣則

咸推上席外戚列傳既聞建武之書

後漢書竇融傳融封安豐侯帝賜以

外屬圖太史公五宗外戚世家魏其侯列傳入朝在功臣之右詔曰孝景皇帝出自竇氏定王景帝之子朕之所祖昔魏其一言繼統以正長君少君尊奉師傅修成淑德施及子孫  
仲山古鼎或表單

于之獻

見在

祖畧少保建昌郡公

本傳以熾勲贈隋書梁州武都郡長松縣

注西魏置初曰建昌

置文州屬盧北郡

父熾柱國大將軍大宗伯鄧國公

通考後周建大官置大宗伯卿一人是為春官漢地理志南陽郡鄧縣注應劭曰鄧侯國孟津大誓

常預同德之臣

尚書泰誓子有亂臣十人同心同德詳官調曲

咸陽違約克贊

先登之主

見齊王憲碑

並得位入六府

見長孫儉碑

功叅八柄

見步

陸逞碑本傳熾字光成漢大鴻臚章十一世孫章子統靈帝時為雁門太守避竇武之難亡奔匈奴遂為部落大人後魏南徙子孫因家於伐賜姓紇豆陵氏魏孝武帝與齊神武構隙以熾有威重堪處爪牙任拜閣內大都督遷朱衣直閣遂從帝西遷從周文帝禽竇秦復弘農破沙苑皆有大功武成二年拜柱國大將軍保定元

年進爵鄧國公邑一萬戶天和五年自大宗伯為宜州  
刺史徵拜太傅職既朝之元老名望素隆軍國大謀常  
與參議夫人有文在手見幽國公廣銘有象應圖見步陸孤氏銘榮耀夙

彰徽華早茂肅恭以禮受教於公宮言容以德有聞於

師氏

見宗廟歌步陸遲碑侯英陳道生銘

及乎進賢君子

見段永碑

內主邯鄲

左傳齊侯使晏嬰請繼室於晉叔向曰撫有晉國賜之  
內主漢地理志趙敬侯徙都邯鄲邯鄲北通燕涿南有  
鄭衛漳河之琴瑟在堂詩琴瑟在御莫不靜好輜輶是服後漢宗室傳下

博侯晃與母太姬宗更相誣告詔  
曰宗尊為小君出有輜輶之飾

長久於節不無秋菊

之銘履端於始或有椒花之頌

見袁江南賦及步陸孤氏銘

豈直莊

姬掩笑楚相知慙

新序楚莊王樊姬掩口而笑曰虞丘子為相未聞進一人未知其賢

姜問北齊兵不入

左傳鄭人侵衛孫文子卜追之獻兆於定姜姜氏問繇曰兆如山陵有夫

出征而喪其雄姜氏曰征者喪雄禦寇之利也孫蒯獲鄭皇耳於犬丘

武成二年冊拜趙

國公夫人漢王聞立義之婦邑以延鄉

陳留風俗傳封丘者高祖與項

氏戰厄於延鄉有翟母者免其難故以延鄉為封丘縣以封翟母

齊侯見有禮之妻封

之石窳

左傳齊侯自徐闕入辟女子女子曰苟君與吾父免矣可若何乃奔既而問之辟司徒之妻也

齊侯以為有禮與之石窳

異代同榮差無慙德柱國殿下居若水之

一枝

見馬射賦

在天潢之別派

見為祀公表

揚旌玉壘

見長孫儉碑

驅

傳銅陵

後漢公孫述傳注蜀有銅陵山詳報寄洛州

南通向日之民

漢地理志日南

郡注師古曰言其在日之南所謂開北戶以向日東被

無雷之國

見段永碑

夫人從政月峽

見枯樹賦

贊德雲門

見司馬裔碑

錦濯江波還臨織室

三輔黃圖織室在未央宮又有東織室織作文繡郊廟之服有令

史詳上趙王

山明石鏡即對妝樓

齊書置鐘於景陽樓上今宮人閒鐘聲早起妝飾詳

王上趙

既而玉律頻移

白帖侯氣之法殿中侯用王律十二靈臺用竹律詳春賦

金爐

不變

淮南子辟若鍾山之玉炊爐炭三日三夜而色澤不變則至德天地之精注鍾山崑崙也

胡香

四兩嗟西域之使稀

十洲記武帝幸安定西胡月支國主遣使獻香四兩大如雀卵黑如

桑樾香氣聞數百里死者在地聞香氣乃卻活後元元  
年長安城內病者數百亡者大半帝試取月支神香燒  
之於城內其死  
未三月者皆活  
靈草一枝恨瓊田之路絕  
見謝趙  
天和

五年四月二十二日薨於成都之錦城春秋二十孫子

荆之傷逝怨起秋風

晉孫楚傳楚字子荆除婦服作詩以示王濟濟曰未知文生於情情

生於文覽之悽然增伉儷之重漢書息夫躬絕命辭秋風為我吟

潘安仁之悼亡悲淡

長簾

見步陸孤氏銘

况復仙臺永別無復簫聲

見春賦

傳母長歸

惟留琴曲

見弄琴

七年二月日歸葬於長安之洪瀆原詔

贈趙國夫人禮也雲雨去來既留連於楚后

見燈賦

光陰



離合實惆悵於陳王

見步陸孤氏銘銘曰

河西斗絕

後漢實融傳融與梁統等計議曰河西斗絕在羌胡中

觀津孤起

漢外戚傳

孝文實皇后親早卒葬觀津弟廣國為退讓君子景帝立封章武侯決錄注孝文實皇后父隆淵而卒景帝立後為太后遣使者起大墳於縣城南民號曰實氏青山章武賢臣安豐貴仕

見柳霞銘

水樓千仞

後漢實固傳固與耿秉秦彭等絕漠六百餘里至三木樓山

金山萬里

後漢

實憲傳憲遣右校尉耿夔等將兵擊北虜于金微山克獲甚衆單于遁走

紹慶邢姨

詩碩人其頤衣

錦裴衣東宮之妹邢侯之姨

基昌宋子

詩豈其食魚必河之魴且其取妻必宋之子

施衿

趙北

皇甫謐女怨詩婚禮既定婚禮臨成施衿結悅三命以寧

待姆秦南

左傳宋災伯姬卒待

也

絃縱禮數

見步陸

愉狄駢驂

薛君曰兩駢駢駢詳宗廟歌

義超

江汜

詩序江有汜美勝也江沱之間有嫡不以媵備數媵遇勞而無怨嫡亦宜悔也

仁流葛覃

見步陸

孤氏銘 王筐迎燕

呂氏春秋有城二佚女為九成之臺帝令燕往夜鳴二女愛而爭搏之覆

以玉

金籠助蠶

晉禮儀志皇后親蠶公主及諸命婦皆步搖衣青各戴筐鈎從蠶龍輔女紅餘

志青琴採桑

愛敬純深

見步陸

端莊淑問有光國史

無形喜愠舉安外恭

後漢梁鴻傳妻為具食不敢鴻前仰視舉案齊眉

停機下

訓

見柳

馨馥於蘭

沈約詩今

年華於舜

詩有女同車

風

雨消散

見熾

神靈離絕

見長孫

嫠女還星

晉杜預曰嫠女星為已嫁

之姮娥歸月

王充論衡羿請不死藥於西王母羿妻嫦娥竊以奔月

左楹夕奠

既殯朝奠曰出夕奠

高堂朝發

文選綵襲挽歌朝發高堂上夕宿黃泉下

空

揚凌波

見春賦

更無迴雪

見謝滕王啓

下平曰隰高平曰原

見幽

國公廣銘

西臨火井

見和樂儀同

北望塞門

陸機浮雲賦似塞門之寥廓

猶垂

雉服

漢劉熙釋名王后之上服曰

尚駕魚軒

見報趙王

平原

忽矣天道何言

江淹恨賦試望平原蔓草紫骨拱木飲魂人生到此天道寧論

山迴地

市

見哀江南賦

路沒滕城

見傷心賦

松悲雀去

見和趙王

草亂螢生

見和

何儀同

新雲別起舊月孤明賢墳永式節隴常貞

周安昌公夫人鄭氏墓誌銘

夫人諱某滎陽陽武人也周宣王之母弟俾侯於魯

見鄭

常碑

鄭莊公之母弟卿士於周

見齊王憲碑

以國為族自茲而

始見鄭偉銘

祖瓊太常恭侯

通考今太常秦改曰奉常漢初曰太常後魏為上卿兼置小卿

官

父穆司空貞公

本傳鄭孝穆滎陽人為少司空謚曰貞

西京賦詩奉常

叅栢梁之宴

見應詔

東都言議司空為武衛之官

見為閭將軍表

籍連帝譜既同磐石

漢文帝紀高帝王子弟地大牙相制所謂磐石之宗也

門稱

通德

見小國賦

無廢儒林

鄭玄別傳北海有鄭玄儒林講堂周鄭孝穆傳孝穆字道和滎陽開

封人魏將作大匠渾之十一世孫父瓊范縣郡守贈安  
東將軍青州刺史太祖東討除孝穆大丞相府右長史  
賜姓宇文氏武成五年入為  
少司空卒於位謚曰貞子  
夫人禮義閨門端莊令淑

采采芣苢

詩采采芣苢  
薄言采之

萋萋葛覃

詩葛之覃兮  
維葉萋萋

及乎作

配君子言事舅姑下氣怡聲承巾奉箒

禮記內則適父  
母舅姑之所及

所下氣怡聲進盥少者奉槃長者奉水而沃盥盥卒授  
巾漢書單父人呂公見高祖狀貌甚重之曰臣有弱息  
願奉箕  
帶妾  
親戚惟禮閑闈以睦保定二年冊封滎陽郡君

序戚升榮從夫有秩

見司馬  
裔碑

宜惟立義之婦邑以延鄉

有禮之妻封之石窀

見統豆  
陵氏銘

大將軍沉犀二江

華陽國  
志秦孝

欽定四庫全書

卷十

三

文王以李水為蜀守作犀牛五頭以壓水精後轉置犀牛二頭一在府市市橋門一在淵中河渠書不水穿二江成都之中炯曰杜光庭石笋記成都子城西曰興義門金容坊有石二株高丈餘圍八九尺者舊傳云其名有六曰石笋曰蜀妃闕曰沉犀石曰魚鳧仙壇曰西海之眼曰五丁石門周元偉傳大將軍納言小司空荆州總管安昌郡公元則夫人閭猿三峽見和明月靈關

按銘

文疑是益州總管

夫人閭猿三峽

見和

明月靈關

之阻

後漢郡國志越萬郡有靈關道左思蜀都賦廓靈關以為門

秋風蜀道之難

樂府

解題有蜀道難掩以瑤華

楚辭折疏麻兮瑤華將以遺兮離居

先從春露

魏曹植請自試

表常恐先朝露

天和十八年五月二十日薨於成都春秋三十

六詔贈安昌國夫人禮也

隋書荊州春陵郡春陵縣注舊置安昌縣

即以其

年十一月十六日歸葬於咸陽之白起原遂使山迴反

壤

見辛碑

先封節婦之陵日入虞淵

繆襲挽歌白

實掩賢

姬之墓嗚呼哀哉乃為銘曰

天河開國分畿置政

漢地理志鄭國今河南之新鄭本高辛氏火正祝融之虛也周宣王

弟受為周司徒食采於宗周畿內是為鄭

地有十城

見鄭常碑

人居九命

周禮典命上公

九命為伯其國家宮室車旗衣服禮儀皆以九為節

疇昔之邑今茲成姓

見賀妻慈碑

識履傳風

見鄭常碑

參與留慶

見鄭偉銘

三星在戶

見司馬倚碑

百兩

言歸

見步陸孤氏銘

虔恭內政

禮記昏義天子聽外治后聽內職

榮曜中閨承

欽定四庫全書

卷十

姑奉盥訓子停機

列女傳孟母以刀斷機曰子之廢學若我斷機孟子懼乃勤學

桑園

蠶績

詩婦無公事休其蠶績

綿室鸞飛

未詳

珩璜節步

見祀國丘

藻火文

衣

尚書益稷宗彝藻大粉米黼黻絺繡注六者繡之於裳也

巴水幽咽猿鳴斷絕

見和

趙月落珠傷

見望月

春枯桂折

見枯樹賦

趙瑟長辭

見贈淮南公

秦

簫永別

見春賦

貞姬掩隊

見莫侯陳道生碑

節女封墳洛濱無月

曹植洛神賦其少進也皎若明月舒其光

荆臺失雲

見燈賦

鳥悲傷聽

晉阮籍集順帝

上恭陵遇樊衡聞鳴鳴而悲泣下橫流曰善哉鳥聲

松聲愴聞

宋延願之集拜陵廟作松風遵路急

千年遂古百代餘芬



周大將軍隴東郡公侯莫陳君夫人竇氏墓誌銘

姓名不

傳莫考

夫人諱某扶風平陵人也章武開國名高外戚之右安

豐入朝位在功臣之上

見統豆陵氏銘

祖以孝昌之始主諾淮

陽

見鄭常銘

父以正光之初褰帷海岱

見滕王序

夫人生於禮義

之門宗於箴誠之德虔恭惟禮令淑惟儀及乎百兩言

歸

見步陸孤氏銘

三星在戶

見司馬喬碑

箴盥始事

見聽擣衣及鄭氏銘

條枚

是則

見步陸孤氏銘

有子從政猶無逸豫之心

國語公父文伯退朝其母方績

曰夫民勞則思思則善心生逸則淫淫則志善忘善則惡心生仲尼曰季氏之婦不淫矣有夫出征

自識山陵之兆

見純豆陵氏銘

大統十六年冊授永安郡君

魏地

彤志肆州永安郡注後漢建安中置新興郡永安中改

婦以夫尊

見司馬商碑

親由子

貴

公羊傳子以母貴母以子貴

朝章家慶兼而有之保定二年改授

隴國夫人車服禮數

見崇傳

桂禱典則

詩親結其禱

有美河魴

見純豆陵氏銘

足光彤史

詩彤管有煒悅懌女美

既而風霜所及

見鄭偉銘

灰

瑄遂侵

見滕王序

與善何言

伯夷傳或曰天道無親常與善人

至於大漸

見謝

滕王啓

天和六年四月七日薨春秋六十有六即以其年

十月十日還墓於咸陽萬年縣之杜原山形起伏既符

白雀之祥

幽明錄孫鍾以種瓜為業有三少年詣鍾乞瓜曰此山下善可作冢鍾隨下山三人悉化

成白雀飛入空中即孫堅所葬地

地勢風烟乃合青鳥之氣

見司馬

銘

曰

觀津世族

見乾丘陵氏銘

平陵豪姓四侯登仕

後漢書竇氏世居扶風平陵詔

曰舅氏舊典並蒙爵土具封憲冠軍侯

三君從政

後漢黨錮

傳竇武陳蕃劉淑為三君

白狼建功

魏文帝集表封田疇令曰斬蹋頓於白狼疇有功焉

丹蛇

襲慶

見賀妻慈碑

漢之廣矣

詩漢之廣矣不可方思矣不可方思樹穀曰小序云

漢廣德廣所及也文王之道被於南國化美  
行於江漢之域無思犯禮求而不可得也  
先聞淑令

君子朝端賢才家政

見段永碑

簪珥以禮

周本紀宣王常晏起姜后脫簪珥待

罪永

軒車以命

古詩思君令人老軒車來何遲

讓果成廉

見慕容寧碑

推珠

止競

列女傳珠崖今卒官妻息送喪還漢法內珠入闕者死妻棄其繫臂珠前妻子初年九歲好之置鏡

奩中至闕吏索得珠劾問誰當坐者母子爭坐吏棄珠遣之

百年超忽

王少頭陀寺碑東望平阜

千里

千金莫恃

見和何僕射

室謝賢夫

見答趙王啓

庭辭貴子歸

鞍輟露

見擬咏懷

采繁廢祀

詩疏采繁夫人奉祀不失職也

室委眠蠶

禮記天子

諸侯必有公宮蠶室

衣留畫雉

見步陸孤氏銘

雲垂下澤

後漢馬援傳乘下澤車魏文帝

浮雲詩云西北有日掩高春淮南子曰經於泉隅是謂高春空帷舊館

見步陸虛幕新封見幽國山迴廣柳陸機挽歌龍軌被廣柳劉熙釋名與

棺之車其益曰柳路沒深松見傷王遊魂幾變見丑盧夫人何

從穀梁傳夫人子氏薨卒而不書葬夫人之義從君者也

周冠軍公夫人烏石蘭氏墓誌銘北史周書俱無傳莫考

夫人諱某樂陵人也隋書兗州勃海郡樂陵縣注舊置樂陵郡晉司徒樂陵

公苞後子孫就封因即家焉扶風舊城猶存鄴市河內

故墅尚餘金谷見春或寓燕陲見慕容仍仕代郡

祖行代郡尹父魏司空蘭陵郡公司空佐命魏朝少傳

丞凝周室

尚書大傳古者天子必有四鄰前曰凝後曰丞左曰輔右曰弼

並為大族

左傳

襄公三十年鄭子皮授子產政辭曰國小而偪族大寵多不可為也

俱蒙賜姓秦晉匹也

見崇傳

是曰通家

後漢孔融傳融十歲見李膺融曰公是我通家

夫人年十七歸

於宇文氏淑令端莊舍章貞吉

語見周易

歲盥惟儀

見聽搗衣及鄭

氏閨闈已正某年除金鄉郡君

隋書豫州濟陰郡領金鄉縣

某年改

授冠軍夫人四德小君

左傳定公十五年莒定姒不稱小君不成喪也詳段永碑

宜

其家室三事內主

見角調曲及乾豆陵氏碑

翻辭贊務以保定五年

四月遘疾薨時年四十有四即以其年某月日歸葬於

京兆之某原人世風烟山川超忽陵陂青麥

莊子時以詩禮發冢

小儒曰青青之麥生陵之陂生不布施死何含珠

倘逢貞女之墳隴首白楊

見傷

王司徒或表賢姬之墓乃為銘曰

三星麗天五岳鎮地禮有其秩人居其位

見司馬商步陸逞二碑

燕趙多奇

見長孫儉碑

山川雄氣挺茲令淑惟此舍章

易舍章可

貞玉生庭照

福地記抱犢山有草名玉照服之不飢

蘭開室香

見傷心賦

邢姨

裴服宋子河魴

見純豆陵氏銘

百兩言歸

見步陸孤氏銘

九儀從聘

詩九

十其儀 衮狄七彩見宗廟歌 軒車六命見寶氏銘 鼎室辭親見贈淮南公

槐庭贊政見竹杖賦 世為閒水陸機歎逝賦川閒水以成川水滔滔而日度世閒人而為

世人冉冉 人成大夢莊子且有大覺而後知此其大夢也 迴帳出門移燈

泉扃見步陸孤氏銘 金康長舍葛洪抱朴子吳景帝時戎將廣陵發一大冢似公主之冢棺中

死人兩耳及鼻孔中 皆有黃金如康許大 銀蠶永送南史宋王玄謨傳從弟玄象位下邳太守好發

冢人間垣內有小冢墳上殆平每朝日初升見一女子立冢上近視之則亡玄象發之有一棺尚全有金蠶銅

人以百數剖棺見一女子年可二十資質若生卧而言曰我東海王家女應生資財相奉幸勿見害女臂有玉

釧破冢者斬臂 香填栢榔左傳范獻子去魏獻子栢榔以其未復命而田也 路



閉松城悲鸞獨影

見鏡賦

雄劍孤鳴

見從駕

留連趙瑟

見贈淮南

公悽愴秦笙

見春賦

### 周太傅鄭國公夫人鄭氏墓誌銘

夫人謀某滎陽開封縣遠里人也七子賦詩足光賓客

左傳鄭伯享趙孟於垂隴趙孟曰七子從君請皆賦以卒君貺

三卿從政實靜諸侯

左傳

北宮文子聘鄭子羽為行人馮簡子與子太叔逆客文子曰鄭有禮其無大國之討乎

驂乘則晉

后停輿

見鄭偉銘

來朝則漢君識履

見鄭常碑

華胄蟬聯

南史王曇首等

傳沈約曰自開闢以來未有爵位蟬聯文才相繼如王氏之盛也

無虛史籍祖那秦州

別駕父茂伯撫軍將軍涼州刺史伯陽縣侯

隋書雍州天水郡秦

嶺縣注後魏置曰伯陽縣

夫人令淑早聞芝蘭獨茂

見傷心賦

既容既德

見宗廟歌

言告言歸

見侯莫陳道生銘

悌實溫清

曲禮冬溫而夏清

恭惟箴

盥

見聽搗衣及鄭氏銘

太傅弼諧周室股肱攸寄

尚書益稷帝曰臣作朕股肱耳

目周達奚武傳武字成興代人也武為賀拔岳所知及岳為侯莫陳悅所害武翊戴太祖從平悅武成初進封

鄭國公天和三年轉太傅子震天和初進位大將軍拜柱國襲爵鄭國公震弟恭車騎將軍渭南縣子夫

人輔佐君子

見段永碑

勤勞是司琴瑟既爰條枚無伐

見步陸孤

故得用之邦國

詩疏闕睢鄉人邦國皆得用者以之正夫婦也

成之孝敬其

年月日封鄭國夫人榆狄既加

見宗廟歌

紘紼是務

見步陸還碑

夫有安世之貴躬服浣濯

漢張安世傳安世尊為公侯夫人自紡績

子有文

伯之尊無忘機杼

見寶氏銘

表裏惟安閨闈且正醫門有疾

莊子醫門多疾

藥對無徵

見鄭傳銘

天和三年三月二十日薨葬於

長安之石安原世子某兄弟並勗慈訓咸遵母儀霜露

深悲

見宗廟歌

寒泉增慟

詩是有寒泉在浚之下有子七人母氏勞苦

銘曰

居德圃田

左傳孟明西乞白乙及滑鄭穆公使皇武子辭焉曰鄭之有原圃猶秦之有巨圖也

當

官教府

合璧事類鄭述祖仕齊遷兗州刺史其父亦嘗為此州百姓歌曰大鄭公小鄭公相去五十載

風教猶尚同

置騎賓來

見鄭常碑

開黌學聚

後漢鄭玄傳玄遊學十餘年乃歸鄉里家

貧客耕東萊學徒相隨已數百千人

福履家室

詩樂只君子福履綏之

賢才踵武

見段

永崇棣之華

詩何彼穠矣崇棣之華

螽斯之羽

詩螽斯羽詵詵兮宜爾子孫振振兮

人倫七德

見齊王憲碑

風化二南

見滕王序

采采芣苢萋萋葛覃

見鄭氏銘

節行聲玉

見祀國丘

副筭加參

詩副筭六加

柳園東杼桑津

浴蠶

見五張寺碑

春秋超忽

陸機歎逝賦時忽忽其不再

雲落無時

見蕭太銘

家亡淑女國喪賢姬香墳永送

伍輯之從征記劉表冢在高平郡表之子琮塋

四方珍香數十斛著棺中蘇合消疾之香莫不畢備永嘉中郡人發其墓表白如生香聞數十里

舞霍

長辭

見傷心賦

山深月闇風急松悲

見鄭氏銘

千年開閉將驗靈

龜

後魏驃騎將軍荊州刺史賀拔夫人元氏墓誌銘

周書北史俱無傳世系莫考

在河之洲聞君子之配德

詩閨闈雌鳩在河之洲窈窕淑女君子好逵序閨雌后妃

之德也

言采其蕨見夫人之有禮

詩草蟲陟陂北山言采其蕨序草蟲大夫妻能

以禮自防也

用之風化人倫厚焉夫人諱安字大羅河南洛

陽人也祖某京兆康王父昭驃騎大將軍開府儀同三

司錄尚書司州牧汝陽郡王

魏景穆十二王傳尉椒房生京兆康王子推大安五

年封子暹字叔照孝莊初除南兗州刺史元顥入洛暹

據州不屈莊帝還宮封汝陽王累遷秦州刺史普泰元

年除涼州刺史孝靜時

位侍中錄尚書事亮

附萼雄圖

詩棠棣之華鄂不韡韡疏鄂足得華之光

明則韡韡然盛堦基霸迹公卿之室將相維家夫人能修法度

無思犯禮

見寶氏銘

恭儉節用憂在進賢大統五年封樂安公主

隋書青州北海郡博昌縣注舊曰樂安

歸於賀拔氏時年十三思事憂勤

化成婦德

見宗廟歌

彤管載暉

見寶氏銘

棠棣早茂

見鄭氏銘

及乎謳

歌有歸

見幽國公廣銘

榆狄降等

見宗廟歌

輔佐君子

見段永碑

猶安其

室周天和四年二月二十六日薨于長安萬年里春秋

五十有二詔贈頓丘國夫人

漢地理志東郡領頓丘縣注師古曰以丘名縣也

禮也即以其年三月二十日歸葬于咸陽之石安原既

異乘鸞翻然永去

見春賦

雖非舞霍即掩泉門欲誌佳城

見傷心賦

乃為銘曰

逝矣雄謀悠哉霸轍九服潛運三川中竭

見哀江南賦

卿相

連鑣

見咏畫屏風

賢才蕪絕

江淹恨賦終蕪絕兮異域

琬琰令淑

煇煌紀年榮伐

岷出岷山女於桀二女曰琬曰琰桀愛二女無子刻其名於苕華之玉苕是琬華是琰

施衿結褵

見統五陵氏  
及寶氏銘

方之棠棣譬以螽斯

見鄭氏銘

既全婦德還稱

母儀逝水滔滔危途冉冉

見鳥石蘭氏銘

問藥無對

見鄭氏銘

蒸丹

不驗

真誥李方回晉武帝時人也學道在華陰山受管城子蒸丹餌水法五十年精心內視仙去

狄

服空陳

見宗廟歌

絃機虛掩

見柳賈銘

郭門路轉

見傷王司徒

哀挽途

窮

見擬咏懷

壠深結霧松高聚風春蘭秋菊唯始唯終

見鄭常銘

周大都督陽林伯長孫夫人羅氏墓誌銘

陽林伯未詳

夫人諱某恒州代郡太平縣人祖某父協周大將軍南

陽郡公

魏地形志廣州南陽郡領南陽縣北史周宗室傳叱羅協代郡人也常為州小吏以恭謹見知



實恭恭死見獲帝以協家屬在東疑其戀水及河橋戰

敗協隨軍還文帝知協不貳封冠軍縣男魏恭帝三年

賜姓宇文氏進爵為公又進位柱國建德三年授儀同三司賜爵南陽郡公子金剛嗣夫人資於

事親躬奉訓戒孝經資於事父以事母而愛同資於事

教於宗室足聞詩禮論語陳亢退而喜曰及乎言歸肅

恭如事蘋藻維敬見宗絃紵是勤見步陸內位克諧周

女工位中閨以睦年齡不競霜露先侵見鄭更無延壽

之杯使人獻玉杯刻曰人主延壽遂闕長生之枕仙神

傳泰山父對漢武帝曰有道士教臣作神枕枕有三十

二藏二十四藏應二十四氣八藏應八風臣行之轉少

生以周天和四年二月八日薨於長安之洪固鄉時年

二十有三其年某月日塋於萬年縣之壽里山非宋國

翻為節女之陵

見枯樹賦

地異荆臺遂有賢妃之墓

列女傳舜陟方

死於蒼梧二妃死於江湘之間因葬焉括地志黃陵廟在岳州湘陰縣北五十七里舜二妃之神二妃塚在湘

陰縣北一百六十里  
青草山上詳燈賦

銘曰

畢

疑作

狼建國

漢地理志西河郡領畢狼縣

靈武開都

括地志靈武即蕭關也

地接天柱

見明月山銘

山臨寶符

見長孫儉碑

人資義烈世襲雄

圖葛覃維萋棠棣蚤盛

見鄭氏銘

既安淑德爰從配命四教

弘宣

見宗廟歌

三星克正

見司馬商碑

霜凋桂苑

見枯樹賦

風落芝田

魏曹植洛神賦  
秣馬乎芝田

三從闕性

報梁傳禮婦人謂嫁曰歸反  
曰來歸從人者也婦人在家

制於父既嫁制於

五福傷年

見傷心賦

歸寧永絕言告長捐

夫夫死從長子

見侯莫陳道生銘

悽切郊野

見送吳法師

紆迴隰原

見幽國公廣銘

風慘雲

愁松悲露泣朗月空嗟傷神何及

見步陸孤氏銘

周儀同松滋公夫人尉遲氏墓誌銘

州曰魏本姓拓跋氏太和

二年始改姓元氏及周孝閔帝受魏禪凡魏室

子孫例復姓拓跋案魏宗室傳云高涼王孤平

文皇帝之第四子也孤孫度追武初賜

爵松滋侯仍得世襲號或其苗裔也

夫人諱某河南洛陽人也祖某父太師柱國公魏室喪

亂經綸夷阻周朝建國匡贊揖讓圖牒帝系即有內外

之親分別山河仍為舅甥之國

周尉遲迥傳迥字薄居羅代入也其先魏之別

種號尉遲部因氏焉父侯晃尚太祖女昌樂大長公主生迥及綱迥尚魏文帝女金明公主孝閔踐阼進位柱

國大將軍詳崇傳

夫人容範端莊儀型淑令六義觀德南國有

夫人之詩

詩序鵲巢夫人之德也園君積行累功以致爵位夫人起家而居有之德如鴈鳩方可以

配焉詳宗廟歌

八卦占爻東方有少女之位

見步陸孤氏銘

姆母習言

禮記內則女子十年不出姆教婉婉聽從注言語容貌也

公宮教業

見宗廟歌

箴管線續

見聽  
揚衣

佩悅莖蘭

禮記內則或賜之佩悅  
莖蘭則受而獻諸舅姑

年十有三出適

儀同拓跋競衣其翟服既得宗婦之儀

左傳哀姜至公  
使宗婦觀用幣

非禮也詳  
宗廟歌

乘其魚軒還從列國之禮

見報  
趙王

標梅三實無

闕其時

詩標有梅其實三分  
標有梅男女及時也

天桃九華能修其政

詩桃  
之天

天灼灼其華序桃天后妃之所政也不妬忌則男女以  
正婚姻以時國無鰥民也易通卦驗驚蟄大壯初九桃

始華不華  
食庫多火

某年某月冊拜迴洛縣君母金明公主

魏地  
形志

夏州領金明郡注  
真君十二年置

魏文帝長女春則帝女採桑

山海經  
宣山上

有桑名曰  
帝女之桑

秋則王姬築館

見辛  
威碑

夫人出入主家

漢東方  
朔傳董

偃與母以賣珠為事偃  
年十三隨母出入主家  
遨遊戚里詩以遨以  
濯龍園苑

見咏畫  
屏風  
長門宮殿見辛  
既而膏腴美疾左傳臧孫曰美

石猶生我疾之  
華茂傷年陸機樂府客  
沉痾牀帳見哀

賦  
蒸離寒暑詩載離  
三世之術無乏於醫門禮記醫不

其藥詳  
鄭氏銘  
百草之本徒窮於藥性禮記月令仲夏聚蓄百

醫也獲誦醫經本  
建德三年五月七日亡春秋三十日

西河女子值九節之菖蒲東海婦人得三山之芝草未詳

尚瑗曰列仙傳漢武帝上菰高忽見仙人王與問之曰  
吾九疑人也聞中嶽有石上菖蒲一寸九節食之可以

長生故  
來採之  
無由再遇悲矣如何即以其年十月十五日塋

於京兆之北原龜筮告辰

見慕容寧碑

丘陵啓奠

禮記檀弓既封主人

贈而祝宿虞尸既反哭主人與有司視虞姓有司以几筵含奠於墓左

西臨織女疑作神之

廟

方輿勝覽神女廟在巫山縣治西北二百五十步有陽雲臺

南望湘妃之墳

見羅氏銘

嗚呼哀哉乃為銘曰

父曰帝師

見疑咏懷

母曰王姬

見辛威碑

車服不繫

見崇傳

江漢無

思

見竇氏銘

是生令淑觀禮敦詩

未詳左傳御穀說禮樂而敦詩書

忠柱曰曹植洛

神賦羌習禮而明詩

聲超宋子德茂邢姨

見鮑陵氏銘

繼世盛德思賢

克舉奠雁迎門

禮記昏義子承命以迎主人拜迎於門外塔執雁入揖讓升堂再拜奠雁

蘋實俎

見宗廟歌

奉盥如事

見鄭氏銘

移茵即序

舊儀皇后嬪好乘輦餘皆以

茵四人與以行

春水浴蠶

王子年拾遺記東海員嶠山有水蠶長七寸有鱗角以霜雪覆之始為繭

其色五綵織為文錦入水不濡入火不燎

秋機秉杼

見和賜曹美人

帝鄉近親帝城

近臣

見賀妻慈碑

濯龍親戚

見咏畫屏風

平陽主人

漢東方朔傳帝姑館陶公

主號寶太主近幸並偃上稱為主人翁詳崇傳

金波迴月

見馬射賦

玉相臨春

詩金玉其

相弄玉鳳凰

見春賦

昌容紫草

見陪駕

自此千年無人得道

見竹枝賦

舜華榮耀

見純丘陵氏銘

飄零何早渭水北原

見和字文內史

平



陵故園

見思舊銘

纔通谷口既望寒門

見祀圓丘

吁嗟此地去矣

歸魂

宋玉招魂云魂兮歸來

孟冬十月

吳越春秋孟冬十月多霜雪

長松九年

木詳案水經注西河陰山王莽之山寧也陰山東麓南水東北與長松水合

親賓掩淚

江淹別賦

親賓分淚滋

悽愴何言

周驃騎大將軍開府儀同三司冠軍伯夫人李氏

墓誌銘

夫人諱某隴西狄道人也

漢地理志隴西郡領狄道縣

周有柱史夫

子以之猶龍

史記老聃姓李氏名耳字伯陽為柱下史孔子適周將問禮於老子曰今見老子其

猶龍乎

漢有將軍宛城以之輸馬

見馬射賦

復有西入上書仍

為秦國之相

李斯傳斯楚上蔡人也西說秦王卒用其計尊主為皇帝以斯為丞相

東向

問計即是韓王之師

見步陸孤氏銘

父宜使持節大將軍南北

二華州刺史順陽郡公

魏地志華州注太和十一年分秦州之三山澄城白水置北

華州注太和十五年置東秦州後改治杏城

魏武皇帝

之長舅也

北史魏孝文七男傳文昭皇后生廣平文穆王懷孝武帝紀帝諱脩字孝則廣平文穆王

懷之第三子穰侯魏冉居咸陽之宮

秦穰后傳穰侯姓也母曰李氏

也昭王即位以冉為將軍衛咸陽

成都王商借明光之殿

見和樂儀同

語其

貴戚差足擬倫

孟子有貴戚之卿禮記擬人必於其倫

論其退讓彼多慙

德

見鮑氏銘

夫人幼而聰敏蚤聞令淑彤管有美

見寶氏銘

賢

才見稱

詩序閑雅樂得淑女以配君子愛在進賢不濡其色哀窈窕思賢才而無傷善之心

弄其

紙筆懼失諸兄之意

魏志甄后少喜書常用諸兄筆硯

翦其髻齡畏傷

王母之心

後漢皇后紀和熹鄧皇后太傅禹之孫也后年五歲太傅夫人愛之自為翦髮夫人年高

目瞋誤傷后顙忍痛不言曰難傷老人意耳

年十有一出適驃騎大將軍開

府儀同柴烈

無傳

烈以上將頌朔

漢劉歆集周衰天下不頌朔魯歷不正

中台受任

見司馬

軍國忠勤規模繁總夫人輔佐君子

見段永碑

言容匡贊增耀三星欽明四德

見宗廟歌及司馬裔碑

授巾

沃盥有謹於事姑斷織停機無忘於訓子

見鄭氏銘

保定二

年冊授大夏縣君

魏地形志河州金城郡領大夏縣注皇興三年改為郡後復屬

既以

夫尊

見司馬裔碑

又云子貴

見寶氏銘

乃遷順陽改郡君夫人之

邑或用鄉名

後漢皇后紀諸皇女皆封鄉亭公主儀同鄉亭侯

小君之號多從

夫秩

禮記郊特牲婦人無爵從夫之爵

典冊光臨足稱榮寵本有風氣

之疾頻年增動畧多枕卧

見崔說碑

飛龜之散遣疾無徵

見遊

仙

畫龍之符留年不驗

未詳案宗懔荆楚歲時記正月一日帖畫難於戶上挿桃符具

旁百鬼畏之

以今建德四年三月日薨於館舍春秋四十九

即以其年八月日塋於長安之洪瀆原神光離合尚在

河湄

見步陸孤氏銘

雲氣徘徊猶歸樓下

見燈賦

嗚呼哀哉乃為

銘曰

上書秦相立功漢將

見馬射賦

隴水分流秦川遙望

見哀江南賦

秋陸俗勇

後漢律厯志曰行北陸謂之冬東陸謂之春南陸謂之夏西陸謂之秋

金行地

壯

見賀妻慈碑

廣武軍中

見步陸孤氏銘

安平河上

未詳

妻者齊也

後漢

蔡邕月令問答妻者齊也惟一適人稱妻其餘皆妾

謂嫁曰歸

見元氏銘

三星夜照

見司

馬商碑

百兩朝飛

見步陸孤氏銘

褕狄有典容禮無違

見宗廟歌

台庭

等秩侯服同衣子奉母儀夫聞家政七族承和九閨連

慶紛悅恭肅

禮記內則婦事舅姑左佩紛悅

溫清孝敬

見鄭氏銘

杼秉秋成

蠶隨春令

見尉遲氏銘

年華未落

楚辭及客華之未落

電影先過

晉陶潛詩

一生復能幾  
倏如流電驚

徒餐日氣

真誥欲得延年日出二丈正  
面向之口吐死氣鼻喻日情

空

飲天河

見哀江南賦

星凋玉井

天官書注正義曰參左足入玉井中及金火守皆為起兵

月掄金波

見馬射賦

虞淵落日

見鄭氏銘

薤露哀歌

見擬咏懷

寂寞虛

莫

見尉遲氏銘

荒涼象設

檀弓孔子之喪公西赤為志馬飾棺牆置翣設披周也設崇殷也綱

練設旒  
夏也

幽隴龜封

未詳

重泉蟻結

檀弓子張之喪公明儀為志馬褚幕丹質蟻結

於四隅  
殷士也

秋色悽愴松聲斷絕百年何幾歸於此別



庾開府集箋註卷十